

peccatis tuis, quæ commisisti cogitatione, locutione, opere & omisione: Et ego autoritate Domini nostri Iesu Christi, qua fungor in hac parte, te absoluo ab omnibus sententijs excommunicationis minoris & maioris, ab homine uel à canone interlatis, & ab omnibus peccatis tuis, Deo & mihi confessis, contritis & oblitis, & restituo te in gremium sanctæ matris & participationi Sacramentorum. In nomine patris & filij & spiritus sancti, Amen.

## NOTA COMMVNIS

Post iniunctam penitentiam & absolutionem dictam, abeunti dicatur ex Ioan: 5. & 8.

Vade in pace & noli amplius peccare, ne deterius quid contingat tibi.



Appendix


## APPENDIX

DE VERA CHRISTI ECCLESIA  
& differentia inter bonos & malos sacerdotes,  
cum breuissima instructione, De opere  
operato in Missa, &c.

Verba Christi (utpote Tu es Petrus, & super hanc petram ædificabo Ecclesiam meam & portæ inferorum non præuales bunt aduersus eam, Matt: 16.) Non sunt temerè dicta, sed firma sunt & perpetuò sic mansura. Impugnabitur quidem Ecclesia, uinci tamen non poterit. Tempestates & magna mala suscipit, sed non demergitur. Tanquã mater pia & patiens, infinitis persecutionibus & deuastationibus obruta, multa quidem tolerat, quæ tamen non approbat. Iacula in eam mittuntur

F








N. 3839

P. 1000

1000









EXAMEN OR-  
DINANDORVM,

AD

Questiones sacrorum ordi-  
num, Candidatis proponi consuetas,  
aptæ & piæ responsiones, Catho-  
licam veritatem succincta  
breuitate indicantes.

Per Reuerend. P. F. Ioan. Ferum, Metropolita-  
næ Mogunt. Concionatorem, &c.

Huic nouæ editioni accessit. SS.

Canonis Missæ pia exposi-  
tio. D. Odonis Came-  
racensis Epi-  
scopi.

*Proleu. Pyg. heredi.*

COLONIÆ,  
Apud heredes Arnoldi Birckmanni:  
M. D. LXIII.

8839



REVERENDO<sup>2</sup>  
PATRI, ET ORNATISSI-  
MO VIRO D. PALLANTI, &c.  
Monasterij Eberbachensis apud  
Rhenigeos ordinis Cistertien-  
sis Abbati digniss. Domino  
suo colendo Philip. Agri-  
cola Mogunt.  
S. D.



**I**Xamen ordinandorum, quod Reue-  
rend. Pater D. Ioannes Ferus inde-  
fessus Ecclesiæ Christi Athletæ, in  
gratiam aliquando prædecessoris tui  
D. Andreæ Bodobrigensis, uiri cum  
uiuere optimi, conuenerat, denuo  
sub tui nominis auspicio, emittimus. Non quidem no-  
uum illud, neq; aliud quàm ab ipso auctore, uiro meri-  
tò omnibus suspiciendo conscriptum, pia tamen et sim-  
plici Canonis explicatione, ita auctum, ut etiam inimi-  
cus Lector multam in rem Candidatorum accessisse nō  
cogatur non fateri. Volumus autem eò ipso nullo mo-  
do hominibus placere, quorum iudicia, ut sæpe fallacia  
esse possunt, ita nos ea non adeo magnifacimus, sed il-  
lis tantum bene consulere, quos messis Christi ad offi-  
cio am Ecclesiæ operam postulat. Non enim parui mo-  
menti res est, ouem Christi, ueri ac cœlestis pastoris,



## EPISTOLA

Cap. 2.

2. Ti. 3.

1. Tit. 2.

Cap. 4.

Deut. 17.

cui pro deposito rationem reddituri sunt, quotquot in  
sacrum ordinem sunt asciti, speculatorem agere. Mala  
chias Propheta Domini, uerbis breuissimis, quicquid à  
choro religioso requirendum depingit: Labia, inquit,  
sacerdotis, custodient scientiam, legem requirent ex  
ore eius, quia Angelus Domini Sabaoth est. Quibus ar  
mis instructus Ecclesiasticus uir esse debeat obiter cõ-  
monstrans, prudentia & legis peritia. Nam illis popu  
lus ad cognitionem Dei adducendus est. Simili modo  
Paulus Timotheum commendat, quòd ab infantia lite  
ras sacras didicerit. Titum prætereà in doctrina sa  
na potentem eff- iubet, quò contradicentes reuincere  
possit. Apud Oseam repellit Deus omnes indoctos re  
ligioni initiatos, Quia tu scientiam reputasti, inquit  
ens, repellam & ego te, ne sacerdotio mihi fungaris.  
Quapropter quò nihil desit illis, qui ad sacra aspirāt,  
hanc piam & dilucidam Methodon, quam hætenus  
haud sine fructu deuotis extitisse sensimus, iam iterũ  
in publicum damus. Deploramus uerò uehementer de  
prauatas quorundam mentes, qui cùm hæc & alia, ad  
quæ auctor libri, quasi aditum quendam & uiã Theo  
philis præparare studuit, magnis uigilijs elaborata  
habeant, ne extremo quidem digito attingant. An nõ  
illi magnam iniuriam Ecclesiæ Christi, quæ operarijs  
gaudet facere, uidetur? Sed aliquando pœnas daturi.  
In ueteri instrumẽto iudiciũ inter leprã, et non leprã,  
inter sanctũ & prophanũ, mundũ et immundũ penes  
sacer-

sacerdotes erat: sub nouo excellētius quiddā requiri-  
 tur. Oīs Pōtifex, inquit Paulus, ex hominibus aſſūptus, Heb. 5.  
 pro hominibus constituitur in ijs quæ sunt ad Deum:  
 ut offerat dona & sacrificia pro peccatis. Et Christus  
 qui Apostolos suos, eorumq; successores testes doctri-  
 næ suæ atque miraculorum in uniuerso orbe constitu-  
 it, non eos ad lubricæ mundi, sed ad cœlestia oracula  
 remittit: Scrutamini, inquit, scripturas, quia uos puta- Ioan. 5.  
 tis in ipsis uitam æternam habere. Et illæ sunt quæ de  
 me testimonium perhibent, et non uultis uenire ad me,  
 uitam ut habeatis. Simili modo absoluit eos ad Aposto-  
 licam functionem, cū dicit. Itē docete omnes gentes, Matth. 28.  
 baptizando eos in nomine patris, & filij, & spiritus  
 sancti, docentes eos seruare omnia quæcūq; mandauī  
 uobis. Et ecce ego uobiscum sum omnibus diebus, usq;  
 ad consummationem seculi. Hoc religiosorum debet es-  
 se sanctum ocium, hæ diurnæ atq; nocturnæ meditatio-  
 nes, his oblectandus animus, si saltem nobis cordi esset  
 religio. Assumūtur enim non ad res leues, ad turpe o-  
 ciū, fastū, luxū, sed ad res omniū grauiſſimas, ad mini-  
 sterium Ecclesiæ, modestiam Christianam, consecratio-  
 nem sacrosancti corporis & sanguinis Christi, cuius  
 ministros se profitentur. Si Paulus gentium Doctor ui-  
 ros Presbyteros, qui bene præsunt, duplici honore di-  
 gnos censuit, certē reliquos, qui aut gregem commif-  
 sum uentris caussa negligunt, aut irruentibus lupis de-  
 stituunt, duplici pœna affici uoluit. Sit igitur prima

## EPISTOLA

cura illis, qui iam ministerio Ecclesiæ præsumt, & qui ad illud admitti cupiunt, et quò languorẽ sponse Christi, quo adficitur grauiorem sentiunt, eò magis studeant commissæ functioni benè præesse, uitam quam habent plerique turpem, si contemni nolunt, emendent: custodiãt uias Domini, legem Dei diligenter discãt, frequenter doceant. Exempla honestatis uerbo & factis proferant: meminerint non hominis, sed Dei omnipotentis seruos se esse constitutos. Talibus pietatis & timoris Dei, ueritatis, iustitiæ, lenitatis, integritatis, sapientiæq; donis conspicui, ad Ecclesiam promoueri possunt, cum cæcum animal Deo offeratur, quando indoctus loco docti promouetur, & in magna auctoritate tam apud Deum quàm homines erunt, quippe angelo Domini exercituum similes, imò ipsi angeli, teste Malachia, eò quòd mira prodigia, non omnium oculis patentia, per tales operetur Dominus. Neque aliquis hinc excusandi locus patet. Est isto licèt turbulento tempore magnus ubique doctorum uirorum numerus, quorum opera quæ ad Ecclesiasticam pietatem necessaria sunt, uti possunt. Habent in publicum edita exemplaria, si hæc complecti grauentur, è quibus satis ampla discendi materia sumi potest. Habent in isto breui & plano libello satis dilucidam catechesin, quæ rudiores, qui adhuc lacte opus habent, utantur, perfectioribus quos ad studiũ theologicæ disciplinæ sedulò hortamur, grauiora committimus: grandes enim mate-



rias, ut ille inquit, ingenia parua non sustinent. Auditor, ut est nimia quadam modestia præditus, nominis sui gloriolam hoc pilo non redimeret, sed omnia ad Christi ueri & æterni pastoris gloriam, Ecclesiæ salutem, & communem omnium hominum utilitatem dirigere constituit, in primis autem sacris initiandis hoc loco gratificari uoluit: quare accuratè Flacci sententiam est sequutus:

Quicquid præcipies esto breuis, ut citò dicta Percipiant animi dociles, teneantque fideles.

Summam itaque diligentiam hominis senis, & ferè emeriti militis Ecclesiæ, quos paucos hæc ciuitas patres habuit, candidè omnes interpretentur, si uerò quid nouerint rectius istis, syncerè impartiri nō recusent, sin minus, his utantur nobiscum. Sed ne æquò prolixior sim, operam hanc tibi Reuerēd. Abbas dicamus: quem cū amicissimum semper nobis, cū uehementi

zelo erga pietatem flagrantem hætenus cogno

uimus, dignissimum iudicabamus, ut hoc

mutuæ inter nos charitatis sym-

bolon extaret. Vale optime,

& tuæ curæ concreditis

communica.

# CENSURA SVB DIACONANDORVM.



*Vnde homini cognitio Dei?*

Ab ipso Deo. Omnis enim sapientia à Domino Deo est. Eccles. 1. Et nemo nouit Patrem, nisi filius, & cui uoluerit filius reuelare. Matt. 11. Ioann. 6. Erunt omnes docti à Deo.

*Quomodo se reuelat Deus?*

Quadrupliciter, Primò per opera sua. Roman. 1. Inuisibilia Dei, per ea quæ facta sunt conspiciuntur. Ioann. 10. Opera quæ ego facio illa testimonium perhibent de me. Secundò per verbum suum. Ioan. 17. Ego dedi eis sermonem tuum, & ipsi cognouerunt quòd à te exiui, & quòd tu me misisti. Tertiò per filium vnigenitum. Ioannis primo: Deum nemo vidit vnquam. Vnigenitus Filius, qui est in sinu patris, ille enarrauit nobis. Ioann. 14. Qui me videt, videt & Patrem. Ioan. 17. Manifestaui nomen tuum hominibus, & cæt. Quartò per Spiritum sanctum. Ioan. 16. Cùm uenerit paracletus, ille testimonium perhibebit de me. Item, Ille me clarificabit, &c.

*Vnde homini religio?*

A Deo. Ipse eligit, vocat, sanctificat, trahit,  
dat

## EXAMEN ORDINAND. 5

dat spiritum & voluntatem si bi ferendi, operatur in nobis velle & perficere, & omnia in omnibus. Ioan. 15. Nō vos me elegistis, sed ego elegi vos: Eze. 36. Auferam à vobis cor lapideum, & dabo vobis cor carneum, & spiritum meum ponam in medio vestri, & faciā vt in præceptis meis ambuletis.

### *Religio quid?*

Est cultus, quo Deum colimus, qui cultus Græcè dicitur Latria vel Theosebia. Hęc Augustinus lib. 10, de ciuitate Dei, c. 1.

### *Religio vera quæ?*

Diligere Deum ex toto corde, & ex tota anima, & ex omnibus viribus. Aug. vbi supra c. 4. Ad hoc tendunt priuatæ religiones. Vel secundum Iacobum, Religio vera & immaculata apud Deum est, visitare pupillos & viduas in tribulatione ipsorum, & immaculatum se custodire ab hoc seculo. Iac. 1.

### *Vnde religio dicta?*

A religando, quia anima se vni Deo (vnde se peccato abruperat) reconciliatione ac perpetuo seruitio religat. Aug. de spiritu & anima. cap. 61.

### *Idololatria quid?*

Est cultus simulacrorū, vel vbi cultus Deo debitus, creaturæ impenditur.

A 5      Ido.



## EXAMEN

*Idololatria unde dicta?*

Ab Idolo, quod est simulacrum, & latria cultus.

*Idololatria quotuplex?*

Duplex: Spiritualis, vbi vel aliquid Deo præferimus aut æquamus, vel vbi extra Deū in aliqua re, omnem fiduciam nostram collocamus. Corporalis, vbi simulacra pro dijs conluntur.

*Idololatria unde ortum habuit?*

Partim ex deceptione dæmonum, qui in cælo gloriā Dei & æqualitatem frustrā affectantes, saltim in terram deiectioni, eandem vsurparunt. Partim ex ignorantia hominum & cæcitate. Partim etiam ex peruersitate quorundam hominum, qui sibi diuinum honorem vsurpabant. Partim ex admiratione & adulatione, quemadmodum concionante Herode, Tyrij & Sidonij acclamabant, vocem esse non hominis, sed Dei. Partim etiam ortum habuit ex desiderio charorum. Sic Ninus rex Assyriorum, in honorem Beli patris sui statuam fecit, quæ postea Bel & Baal dicta fuit: vnde omnis idololatria ortum habuit. Hinc Sapientia decimoquarto scribitur: Superuacuitas homi-

hominum adinuenit idola, Acerbo enim luctu dolens Pater, &c.

*De Deo quomodo sentiendum?*

Vt de summo & optimo bono, quod est fons, origo, causa, etiam finis omnis boni. Ex ipso enim, & in ipso, & per ipsum sunt omnia. Ipse omnia circumdat, omnia implet, omnia regit, omnia portat verbo virtutis suæ. Hebræorum primo. Vel de Deo sentiendum, quod sit pater omnipotens, creator cæli & terræ, vt docet Symbolum nostrum. Huc pertinet & Symbolum Athanasij.

*Dei nomen quot modis accipitur  
in scripturis?*

Quatuor modis. Natura, & sic vnus solus est Deus. Falsa opinione, sicut dij gentium, Iupiter, Mars, & cæt. Præsumptione vel usurpatione, sicut diabolus dicitur Deus huius mundi: & quidam tyranni, vt Alexander, Nabuchodonosor, se deos nominabant. Participatione gratiæ, itemque vocatione & adoptione. Sic dij dicuntur principes, sacerdotes, & omnes electi. Ego dixi dij estis, Psal. 81. Item dij dicuntur, ad quos sermo Dei factus est. Ioannis decimo, Item principes.

Dijs.

## EXAMEN

Dij non detrahes. Exod. 22. Item Apost. & sancti. Psal. 46. Dij fortes terræ vehementer eleuati sunt.

### *Deus quid est?*

Credimus Deum esse. In futuro seculo videbimus quomodo sit. Cæterum quid sit Deus, nulla vnquã creatura edicere potest.

Sicut nemo vnquam vidit Deum, sic nemo diuinam eius naturam satis explicare potest. In genere tamen Deus est æterna illa mēs, uel substantia spiritualis, qua nihil esse potest nec maius, nec sapientius, nec melius: sine initio, sine fine, simplex, sine vlla admixtione, inuisibilis, incorporea, immensa, ineffabilis, inæstimabilis, quæ est ipsum Esse, & à qua venit rebus conditis vt sint.

*Dei nomen proprium quod?*

Deus apud Hebræos (auctore Hieronymo) decem nominibus appellatur. Apud nos multò pluribus nominibus appellatur. Dicitur enim Dominus, auxiliator, saluator, vita, robur, lux, Pater omnipotens, & c. Proprium autem nomen Dei exprimitur in Exodo. Ego sum, qui sum: quod Hebræi quatuor literis scribunt Iehouah. Sic autem dicitur, propterea quod natura est, & à se ipso est, & à nullo accipit vt sit, ac perpetua est; Denique omnibus alijs dat vt sint.

### *Dei uocabulum unde?*

Latinorum aliqui putant Deum dici à dando,



do, quòd omnibus det. Alij Deum dici putāt ab eo, quòd nihil ei defit. Apud Græcos *θεός*, vel dicitur à *θεόμας*, quod est speculari. Nam ipse Deus omnia videt & contemplatur. Heb. 4. Vel dicitur à *θέω*, quod est currere: quia ubique, cum opus est accurrit, & opem fert. Apud Germanos Dei vocabulum à bono derivatum videtur. Godt, goedt.

*Deus in quibus est?*

Secundum essentiam, præsentiā & potentiam, ubique, & in omnibus creaturis est, in ipso enim omnia viuunt, mouentur, & sunt. Act. 17. Secundum gratiam autem in solis electis. Qui diligit me, &c. ad eum veniemus & mansionem apud eum faciemus. Huiusmodi enim homines sunt templum spiritus sancti. 1. Cor. 6.

*Deus quomodo summæ rerum præsideat?*

Ex ipso & per ipsum sunt omnia, tamen aliqua per se solum agit, ut creare. Aliqua agit per angelos, aliqua per creaturas inanimatas, & corpora cœlestia. Aliqua per Apostolos, aliqua per Principes, aliqua per dæmones, &c. Vel ita omnia dispensat, ut in cœlo sit laudabilis, in terra mirabilis, in inferno terribilis.

*Spiritus quid?*

In scriptura aliquādo sumitur pro flatu spiritus

## EXAMEN

ritus aërei. Frequentiùs autem spiritus diciť,  
quicquid incorporeum est. Sic Deus dicitur  
spiritus. Item Angelus & animus humanus.

*Angelorum officium quale?*

Deo assistere. Isai. 6. Dei mandata perferre.  
Luc. 1. Hominibus ministrare. Heb. 11.

*Diaboli natura quæ?*

Ex se ipsa bona, & eadem est cū natura an-  
gelorum, nempe, substantia rationalis, incor-  
porea, quæ & beatitudinis capax fuisset & ef-  
fet, nisi ipse peccatū & obstinationē addidisset.  
Quæ aut iā sit eius natura & cōditio, patet  
ex noībus, quibus appellat in scriptura. Dicit  
enim Sathan, quia semper aduersatur Deo &  
hominibus. Dicitur Leo, propter apertam im-  
pugnationem piorū. Dicitur draco, propter  
occultas insidias. Dicitur serpens, propter va-  
rietatem fraudum, &c.

*Diaboli nomen unde?*

A Græca dictione *διαβολή*, diabole, id est, ca-  
lumnia. Diabolus enim idem est, quod calum-  
niator: quia calumniatur & accusat, nedum  
peccata, sed etiam bona nostra, vt patet Iob. 1.  
Nunquid Iob frustra timet Deum? &c.

*Diabolus in quibus tyrannidem*

*suam exercet?*

In filijs diffidentia, hoc est, omnibus im-  
pijs.

pijs. Hi enim ad regnum eius pertinēt. In pijs autem nihil iuris habet, nisi quantum Deus Ephe. 2. permittit. Iob. 1.

*Quomodo tyrannidem suam exercet?*

Vel externè affligendo, vt patet in dæmoniis: vel spiritualiter in peccata & errores Matth. 3. inducendo. Egrediar, & ero spiritus mēdax, &c. 3. Regū. 22.

*Ecclesia quid?*

Est congregatio filiorum Dei in Christo Iesu, per Spiritū sanctū cōciliata, vno verbo, & eisdē Sacramentis concorditer vtens. Vna fide, spe & charitate, alijsq̃ue donis spiritus pollens.

*Quotuplex Ecclesia?*

Duplex, Militans & triumphans. Militans est, quæ adhuc militat, pugnat, & peregrinat in terris, habēs adhuc inter se commixtos bonos & malos, triticum & paleas, bonū semē & zizania. Matt. 13. Triumphans autē est cōcetus ille beatarum animarum, cū Christo regnantīū, qui ipse de mūdo & diabolo triūphauit, & regnat cum Christo securus in æternum.

*Ecclesiæ uocabulum quale?*

Est Græcū, à verbo ἐκκαλῶ, qđ est euocare. Vnde Ecclesia dicit̃, quasi euocata cōcio, vel cōgregatio, aut cōcetus. Nā euocati sumus per  
vera



## EXAMEN

verbum Christi, a simulacris mortuis ad Deum viuum, & à tenebris ignorantiae ad lucem Christianae veritatis.

*Ecclesia cur dicitur Christiana?*

Quia vni Christo innititur, & ab ipso nomen habet.

*Cur dicitur Sancta?*

Quia sanguine Christi emundata, & spiritu Dei sanctificata est. Item quia habet, docet, & agit quæ sancta sunt.

*Cur Orthodoxa?*

Quia rectè sentit & credit, non errat. Sequitur enim vocem pastoris sui. Ioan. 10. Et habet spiritum doctorem. Ioan. 14. Ideo dicitur columna & firmamentum veritatis. 1. Timo. 3. Orthodoxus, rectè sentiens.

*Cur dicitur Catholica?*

Dicitur à  
κατά ὅλου,  
id est secundum totum  
seu vniuersum.

Quia vniuersalis est, non alligata vni loco, sed se diffundit in quævis tempora & loca.

*Ecclesia quid differt à Synagoga?*

Synagoga etiam est congregatio. Quod autem Synagoga expectabit, hoc Ecclesia habet, & possidet. Synagoga habuit umbram & figuras, Ecclesia habet lucem & veritatem.

*Hierarchia quid?*

Sacer principatus, vel sacrum regimen.

*Ecclesiastica Hierarchia quæ?*

Est

## ORDINAND.

9

Est ordinaria potestas maiorum & minorum Prælatorum in Ecclesia: quorū interest purgare per correctionē, illuminare per doctrinam, & perficere per Sacramentorum administrationem.

### *Ecclesiastica Hierarchia quotuplex?*

Duplex: Non enim sunt nisi duo status hierarchici in Ecclesia, maiorum scilicet & minorum prælatorum. Sicut Christus non habuit nisi Apostolos, quibus Episcopi vel maiores Prælati: & discipulos septuaginta, quibus sacerdotes & minores Prælati succeſſerunt.

### *Ordo quid?*

Est signaculum quoddam, quo per manuū impositionem, & alias ceremonias, in administrationem Verbi & Sacramentorum, specialis potestas & gratia datur ordinato.

### *Ordo uel ordinatio potius, an Sacramentum?*

Est, quia institutum à Christo cū dixit: Hoc facite in meam commemorationem. Itē: Sicut misit me Pater, & ego mitto vos. Ioan. 20. Deinde habet suam promissionem, ibidem. Accipite spiritum sanctum, &c. Præterea habet suum signum externum, impositionem scilicet manuum. Postremò confert gratiam, 1. Timo. 4. Noli negligere gratiam, quæ

B      data

## EXAMEN

data est tibi per prophetiam, cum impositione manuum presbyterij. Item. 2. Tim. 1. Admoneo ut resuscites gratiam, quæ in te est per impositionem manuum mearum.

*Quotuplex est Ordo?*

Aliqui dicuntur Ordines Minores, alij Maiores.

*Que cuiusq; Ordinis nomenclatura?*

Primus, est Ordo Ostiariorum. Secundus Lectorum. Tertius, Exorcistarum. Quartus, Acoluthorum. Et hi quatuor dicuntur Ordines minores: quia à longè disponunt & deferuiūt ad sacrificium altaris. Quintus est, Subdiaconorum. Sextus, Diaconorum. Septimus, Presbyterorum.

*Quod officium cuiusq; Ordinis?*

Ad ostiarium pertinebat dignos ad templum recipere, indignos repellere. Ad lectorum Psalmos & Lectiones cantare. Ad Exorcistam (quod interpretatur, adiurans vel increpans) pertinebat super inquietos, qui à spiritibus immundis vexabantur, aut dæmoniorum illusionibus & terribilium agitantur, nomen Domini inuocare, adiuratum spiritum eijcere, vel compescere. Acoluthus dicitur affectator, comes, ministras, vel non prohitus: quia constitutos in maioribus Ordini.

Ordinibus, proximè comitabatur. Eius officium erat, portare funalia & cereos, in signum læticię, vt fidelium animi incitarētur ad contemplandam Euangelicam lucem, & erigendam mentem ad veram lucem, quæ Christus est. Subdiaconi officium est, Calicem & panē ad altare portare, vinum ministrare celebranti, corporalia lauare, Epistolam legere, & quātum sufficit de oblationibus consecrandis super altare ponere. Diaconus significat ministrum. Eius officium est, pauperum curam gerere, Episcopis & Presbyteris ministrare, prædicare Euangelium, Ordinandos & baptizandos offerre, &c. Presbyteri sunt seniores propter dignitatem, doctrinam & grauitatē morum. Horum officium est, prædicare, soluere ligare, consecrare, & sacramenta administrare. Episcopus, superattendens. Hic si ordo accipitur pro Sacramento, non est Ordo : quia circa Sacramentum Eucharistiæ non habet maiorem potestatem, quàm sacerdos alius. Si autē Ordo accipitur pro gradu dignitatis, Episcopatus est specialis Ordo: quia habet specialem potestatem in actionibus Hierarchicis, respectu corporis Christi mystici super sacerdotes.

Episcopatus quando non fit Ordo.

Ordo est vnum sacramentum respectu finis; quia omnes Ordines, etsi diuersi sunt, in



## EXAMEN

vnum tamen finem ordinatur, id est, ad corpus Christi verum & mysticum.

### *Horarum canonicarum ratio quæ?*

Sunt debitæ gratiarum actiones, pro certis & magnis Dei beneficijs. Quâvis enim duodecim sint horæ diei, harum tamen septem Christus clarissimis misericordiæ suæ radijs illustravit. Prima hora laudes canimus Christo, quod pro nobis summo mane illusus, cōsputus & vinctus, Pilato traditus fuit. Tertia, quod flagellatus, & spinis coronatus fuit. Sexta, quod crucifixus. Nona, quod emisit spiritum. Vespere, quod sepultus. Hora completorij, quod in monte Oliueti pauere & tēdere cœpit, & sanguinem sudauit. Hora autem matutina, quod pro nobis captus ligatusque fuit, à discipulis derelictus & negatus, ab impijs falsò accusatus & illusus. Itemq; , quod eadem hora post tres dies resurrexit.

### *Missa quid?*

Est passionis Christi cōtemplatio, & quasi repræsentatio. Nam ab Introitu vsq; ad Canonem, Christi aduentus, & tota eius vita vsque ad passionem, à Canone vsque ad Complendam. Passio, à Complenda vsque ad benedictionem, sepultura & resurrectio exprimitur. Benedictio significat ipsam ascendentis

tis Christi benedictionem. Missa duplicē rationē habet. Primò sacrificij quatenus mors & sacrificium Christi in ea commemoratur. Secundò Sacramenti, quatenus corpus & sanguis Christi, quæ in panis & vini specie continentur, sumuntur.

*Missæ uocabulum quale?*

Videtur à mittendo deriuatum esse, propterea quòd ad placandum Deum in sacrificio Missæ valens & idonea mittatur legatio. Reuerà autem dictio Hebræa est, idem significans, quod Liturgia Græcè, quod Latine sonat, sacrum ministeriū. Hebraicæ enim Misfah, significat oblationem spontaneam. Deut. 16. Oblationem spontaneā offeres, iuxta benedictionem Domini Dei tui.

*Quid significat Introitus?*

Introitus Sacerdotis, significat introitum & aduentum Christi in mundum. Cantus autem, quem introitum dicimus, significat voces & prænuntiationes Prophetarum, quibus prædixerunt futurum aduētum Christi.

Introitū instituit Celestinus. 41.

*Kyrie eleison?*

Id est, Domine miserere, significat orationes & suspiria patrum pro Christo.

Symmachus & ante eū Telephorus.

*Gloria in excelsis?*

Significat gaudiū Angelorū de nato Chro.

Luc. 2.

B 3

Col:

## EXAMEN ORDINAND.

### *Collectæ?*

significant orationes, laudes & vota eorū, quibus Christi aduentus primò fuit reuelatus. Quales fuerunt sanctissima Virgo, Zacharias, Elizabeth, Pastores, Simeon, et Anna, itēque Magi.

Vel Collectæ hoc indicant, quòd tota vita Christi continua pro nobis et perpes oratio fuit,

### *Epistola?*

Officium agit legis et Prophetarum, qui ante prædicatum Euangelium intercesserunt. Maximè autem designat tempus hoc, quo præcursor Christi Ioannes, viam venienti Domino sua prædicatione præparauit.

CEN-

# CENSVRA DIA- CONANDORVM.

*Ministerium uerbi quale?*

**P**Rædicare Euangelium omni Crea-  
turæ, Marc. 16. Vel prædicare Legē  
et Euangelium, Præcepta et promif-  
sa, fidem et opera, Baptismum, et  
præcepta Christi, Matthæi. 28. Euntes bapti-  
zate docentes eos seruare omnia, quæ præce-  
pi vobis.

*Quid continetur nomine Canonica scriptura?*

Vetus et nouum testamentum. Dicitur au-  
tem scriptura Canonica, id est, regularis: quæ  
à Deo nobis data est vitæ et veritatis regula  
qua omnia probemus, et iuxta quam viuamus.  
Vel dicitur canonica: quia citra ullam contro-  
uersiā, afflatu sancti Spiritus, prædita est, irrefu-  
tabilis existens auctoritatis, et de cuius fide  
nephās est dubitare.

*Quare dicitur uetus Testamentum?*

Testamentum propriè dicitur ordinatio il-  
la, qua morientes ordinando res suas, ani-  
mi sententiam testantur. Interdum in scri-  
ptura accipitur pro fœdere, et pacto. Testa-  
mentū igitur uetus est fœdus illud, quod Deus



## EXAMEN

pepigit cum Abrahā & semine eius, promittens eis terram Chanaan, & quòd vellet eorum esse Deus. Genesis. 15. & 17. Hoc Testamentum vel fœdus confirmatum fuit in datione Legis, cùm Moyse sanguine vituli aspergeret populū. Hic, inquit, est sanguis fœderis, &c. Exod. 24.

Ob hanc causam ea pars scripturæ, quæ vetus illud pactum Dei cum semine Abrahæ cōtinet & tractat, dicitur vetus Testamentum.

*Quare dicitur nouum testamentum?*

Quia continet nouum illud fœdus, quod Deus pater per Christum nobiscum pepigit, promittens nobis remissionem, gratiam & vitam æternam, quod fœdus per sanguinem Christi confirmatum fuit, Matth. 26.

*Quæ sunt ueteris Testamenti uolumina?*

Genesis, Exodus, Leuiticus, Numerorum liber, Deuteronomium, Iosue, Iudicū, Ruth, Regum libri 4. Paralipomenon libri duo, Esdræ, libri quatuor, Tobias, Iudith, Hester, Iob, Psalterium, Prouerbia, Ecclesiastes, Cantica canticorum, Liber Sapientiæ, Ecclesiasticus, Esaias, Hieremias, Threni, Baruch, Ezechiel, Daniel, Libri duodecim Prophetarū, Machabeorum duo.

Horum aliqui olim dicebantur Apocryphi,

phi, id est, occulti: propterea, quod domi quidē  
& priuatim, pro suo cuiusque animo phas esset  
eos legere. In Ecclesia autem publicē nō reci-  
tabantur, nec quisquam eorum auctoritate  
premebatur.

Hi sunt Tertius & Quartus Esdræ, Tho-  
bias, Iudith, Sapientiæ liber, Ecclesiasticus,  
Baruch, & Machabæorum duo libri.

Apocry-  
phi 9. li.

Omnes alij dicuntur Canonici, quia sunt  
irrefutabilis auctoritatis etiam apud Iudeos.

Hagio-

Omnes libri veteris Testamenti, numero  
37. Canonicorum. 28. Apocryphorum, nouē. lib. 28.

graphi

*Quæ sunt noui Testamenti uolumina?*

Euangelia Matthæi, Marci, Lucæ, & Ioan-  
nis, Acta Apostolorum, Epistolæ Pauli qua-  
tuordecim, videlicet: Ad Romanos, ad Co-  
rinthios duæ, ad Galatas, ad Ephesios, ad Phi-  
lipenses, ad Colossenses, ad Thessalonicen-  
ses duæ, ad Timotheum duæ, ad Titum, ad Phi-  
lemonem, ad Hebræos. Epistolæ Canonicae  
septem, videlicet, Iacobi una, Petri duæ, Ioan-  
nis tres, Iudæ una, & Apocalypsis. Omnes li-  
bri noui Testamenti numero 27.

*Qui sunt auctores singulorum librorum?*

Pentateuchum scripsit Moyses excepto vl-  
timo cap. Deut. quod fortē à Iosue adiectum  
fuit. Alij libri, quibus nomina propria præ-

B 5 figura

## EXAMEN

figuntur, videtur ab his scripti, quorum nomina præ se ferunt, ut Iosue, Esdras, Iob, Tobias, Isaias, &cæ. Alios, qui nullius nomen præferunt, putant vel Samuelem, vel Esdram, aut alium quempiam ex Prophetis scripsisse, Prouerbia, Ecclesiasten, & Canticum Canticorum scriptis Salomon, Sapientiæ librum Philo Iudæus (secundum Hieronymum) Ecclesiasticum autem Iesus filius Syrach. Machabæorum auctor incertus est.

*Qua lingua scripti sunt libri sacre scripturæ?*

Omnes libri veteris Testamenti scripti fuerunt lingua Hebræa, exceptis Hester & Daniele, qui secundum aliquos lingua Chaldaica: Et Sapiencia, Ecclesiastico librisq; Machabæorum, qui lingua Græca scripti fuerunt.

Omnes autem libri noui Testamenti ab exordio Græca lingua fuerunt scripti, præter Euangelium Matthei, & Epistolam ad Hebræos, qui duo libri Hebraicè scripti fuerunt.

*Quibus argumentis probatur scripturæ*

*Canonica auctoritas?*

Multis: Nā primò ex veritate rerum, quas continet. Secundò ex miraculis, quibus ab exordio confirmata fuit tam in veteri quàm in nouo Testamento. Tertiò ex sui ipsius consonantia: tota enim scriptura ad vnum finem tendit, nempe, ut D E V S cognoscatur &

colatur. Quartò ex acceptatiõe Ecclesiæ, quæ vocem pastoris sui Christi agnoscit, alienorum autem voces fugit. Ioan. 10. Postremò non paruam auctoritatem confert scripturæ sacræ sanctitas scriptorum, quos constat Spiritu sancto plenos fuisse, & vel à Deo doctos, vel à Christo.

*Vetus lex quibus constat?*

Lege, Prophetis, & Psalmis. Luc. 24. vel præceptis & promissionibus.

*Nova lex quibus constat?*

Prædicatione gratiæ & Sacramentorum.

*Quæ est differentia veteris & novæ legis?*

Vetus fuit lex timoris, quia minis cogebat ad sui obseruantiam. Noua autem est lex amoris, quia donis & promissis allicit. Vel vetus lex multa præcipiebat, sed non dabat spiritum. Noua autem dat Spiritum sanctum. Vel vetus lex fuit vmbra; Noua autem est veritas. Illa habuit figuras, hæc rem ipsam. Illa promisit, hæc præstat. Vel vetus testamentum docet de Deo creatore & gubernatore; Nouum autem de Deo redemptore & glorificatore. Vel simpliciter vetus & nouum testamentum, non differunt re ipsa, quia vtrobiq; traditur, vnū esse Deū, & hunc solū colendū: colendū aut spiritui, innocētia, & fide. Itē



## EXAMEN

unicam esse orbis iustitiam, & redemptionē:  
unicum sacerdotē & sacrificiū, nempe Chri-  
stum, Dei & hominis filium. Sperandā quo-  
que à Deo animarum perpetuitatem, & resur-  
rectionem corporum. Differunt tamen hæc  
duo Testamenta in modo tradendi. Nam il-  
lis omnia contingebant in figura, nobis autē  
illa euenerunt citra figuram.

*In quo differunt Ceremoniæ legis à*

*Sacramentis nostris?*

Quòd Ceremoniæ significabant (nempe  
gratiam Dei) hoc Sacramenta nostra præstāt.  
Ceremoniæ tantum significabant, non san-  
ctificabant: Sacramenta autem nostra & si-  
gnant & sanctificant.

*Sacramentum quid est?*

Ephe. 1.  
Tim. 3.

Sacramentum apud Ethnicos scriptores  
est iusiurandum, seu obligatio numinis vel  
religionis, interuentu confirmata. In scriptu-  
ra autem, idem est quod mysterium, id est, sa-  
crum secretum, seu religiosum arcanum. Fre-  
quentiùs tamen Sacramentum dicitur sacræ  
rei signum, quod eius similitudinem gerit,  
& causa existit, cuius signum est.

Vel Sacramentum est signum sensibile fi-  
dei protestatium, ex institutione diuina, si-  
gnans donum diuinum, suscipiēti dandum,  
ad

ad eius salutem ordinatum.

*Sacramenta quot sunt?*

Septem. Baptismus, Confirmatio, Eucharistia, Pœnitentia, Extrema vnctio, Ordo, Matrimonium, Ex scripturis enim animaduertunt Patres hæc septem myſteria, rectè ac ac propriè dici Sacramenta, propterea quòd ita ſint ſigna inuiſibilis gratiæ Dei, vt & ipſius gratiæ Dei, quam impartitur, imaginem gerant, & cauſa ſint.

Baptismi Sacramētum Chriſtus inſtituit, cū dixit: Euntes prædicate Euangeliiū omnibus gentibus, baptizantes eos in nomine Patris, &c. Matth. 28.

Confirmationis, cū dixit: Sedete in ciuitate, donec induamini virtute ex alto. Lucæ 24. Eucharistiæ cū dixit: Accipite, & manducate, &c. Hoc facite in meam commemorationem. Matth. 26. Pœnitentiæ, cū dixit: Accipite Spiritum ſanctum, quorum remiſeritis peccata, &c. Ioan. 21. Extremæ vnctionis, cū Apoſtolos emiſit ad prædicandum, & illi exeuntes vngebant oleo multos ægros, & ſanabantur. Mar. 6. Et cū per Iacobum dixit: Infirmatur quis in vobis, inducat presbyteros Eccleſiæ, & orent ſuper ipſum; vnquentes eum oleo, &c. Iacob. 5. Ordinis, cū dixit: Si-

cut

## EXAMEN

cut misit me Pater, sic & ego mitto vos. Ioan.  
20. Item cū elegit duodecim Apost. Mat. 10.  
Et cū signauit alios septuaginta duos. Lu-  
cæ decimo. Matrimonij autem Sacramen-  
tum instituit, vel potiùs institutum cōfirma-  
uit: cū dixit: Quod Deus coniunxit, homo  
non separet. Mat. 19.

*Quot res in quolibet sacramento spectantur?*

Duæ. Verbum & Elementum. Verbum est  
inuocatio Trinitatis verbo promissionis in-  
nixa. Elementum est aqua, oleum, panis,  
vinum, & cæt. Vel aliter. In quolibet sacramē-  
to multa spectantur: videlicet, institutio di-  
uina, debita materia, debita verborum for-  
ma, idoneus minister, fides in suscipiente,  
intentio recta in ministro, & c.

*Quare instituta sunt sacramenta?*

Vt sint remedia contra peccatū, & certa ef-  
ficaciaque signa voluntatis & gratiæ Dei, in  
sensum externum incurrentia, admonentia  
& erudiant nos, vt quod foris in specie visi-  
bili fieri cernimus, intus per Dei virtutem ef-  
fici credamus. Item etiam ideo instituta sunt  
Sacramenta, vt sint velut Symbola, quibus  
Christiani se mutuò agnoscant, & in vnione  
contineantur.

*Peccatum quid est?*

*Quic-*

Quicquid vel omissionem, vel commissione, contra Dei legem fit,

*Peccatum quotuplex?*

Triplex, Originale, Actuale, & Omissionis. Originale cōtrahimus à parētibus, Actuale fit contra præcepta negatiua. Peccatum autem omissionis, contra præcepta affirmatiua.

Actuale est duplex: Veniale, scilicet & mortale, & cæt.

*Pœnitentia quid?*

Est conuersio hominis peccatoris ad Deum, qua ex animo odit peccata, cum proposito deinceps non peccandi. Vel pœnitentia est antea acta peccata deflere, & deflenda iterum non committere. Vel pœnitentia est secunda tabula, ad quam homo post naufragium peccatorum (vt saluetur) se conuertit,

*Pœnitentiæ quæ partes?*

Contritio, Confessio, Satisfactio. Contritio est dolor, quo homo commissa deflet, & quodammodo in sese dolendo vindicat. Hunc dolorem partim excitat timor, partim amor iustitiæ.

*Confessio quotuplex?*

Triplex. Confessio fidei, Confessio diuine laudis, Confessio fraudis vel peccatorum.

Con-



## EXAMEN

Confessio peccatorum etiam triplex est: Interna scilicet, quæ Deo fit. Fraterna, qua proximus offensus reconciliatur, Ecclesiastica vel Sacramentalis, quæ fit coram sacerdote.

### *Satisfactio quid?*

Est causas peccatorum excindere, & earum suggestionibus aditum non præbere. Vel satisfactio est solutio debiti, quod diuina exigit iustitia, ob offensam in suam legem commissam, vel satisfactio est dignos pœnitentiæ fructus facere, id est, commissis peccatis aduersa facere. Duplex autem est satisfactio: vna quæ meretur remissionem peccatorum, & abolet mortem eternam. Hæc soli Christo tribuitur, qui dedit semetipsum pro nobis, ut redimeret nos ab omni iniquitate, factus propitiatio pro peccatis nostris, &c. 1. Ioan. 2. Et hæc est vera satisfactio.

Alia est satisfactio, quæ tantum abolet pœnam temporariam, quam Deus interdum etiam post remissam culpam exigit, ut patet in Dauid. 2. Regum. 11. Et hæc est pars pœnitentiæ. Fit autem Oratione, Ieiunio, Eleemosyna, Mortificatione carnis; Innouatione vitæ.

### *Quæ clauium potestas?*

Ioan. 21. Aperire & claudere, hoc est, remittere peccata credentibus, & pœnitentibus, & retinere eadem

eadem incredulis & impœnitentibus. Item ligare criminosos, & absoluerè pœnitentes. Ioan. 21.  
Matthæi decimo octauo.

Duæ sunt clauēs: Ordinis, & Iurisdictionis. Clauis ordinis, est potestas vocationis & functionis, seu ministerij sacerdotalis, qua qui fungitur Christi personam in Ecclesia representat, omniaque non suo, sed Christi nomine agit. Hæc complectitur potestatem prædicandi Euangelij, consecrandi corpus Christi, remittendi & retinendi peccata & administrandi Sacramenta.

Clauis iurisdictionis, est potestas coërcendi criminosos vel excommunicandi publicè delinquentes, & eosdem rursus absoluendi, si conuersi hoc petant. Ad vtrâque pertinet non tantùm potestas, sed etiam scientia discernendi inter ligandos & soluendos. Ideo etiã nominantur clauēs scientiæ & potestatis.

*Catechesis quid?*

Instructio baptizandorum in fide.

*Quæ ratio eius? Vel quid opus instructione?*

Accedentem ad Deum, oportet credere.

Hebræorum 11. Nemo autem credit in eum, de quo nihil audiuit. Rom. 10. Necessaria igitur erat Catechesis de nouo venientibus ad Ecclesiam. Huius quidem forma etiam nunc bapti-

C      zando

## EXAMEN

zando adhibetur. Cæterū susceptoribus paruulorum, incumbit eandem adimplere, postquam suscepti ad annos discretionis venerint. Catechesis autem Christiana cōplectitur articulos fidei, Decem præcepta, Orationem dominicam, & rationem Sacramentorum.

### *Baptismus quid?*

l. Tit. 3.

Latine est tinctio, vel lotio, aut ablutio. Baptismus est lauacrum regenerationis & renouationis. Vel est signum sensibile ex institutione diuina significans mortem veteris hominis, & renouationem noui. Ephesi. 4. Vel est ablutio exterior corporis, cum inuocatione sanctæ Trinitatis, ex institutione diuina significans ablutionem animæ à peccatis.

Vel est signū fœderis, quod Deus per Christum nobiscum pepigit, quo & ipse nobis promisit, quòd velit esse Deus noster, & nos ei promittimus, quòd ipsum solum colere velimus.

### *Baptismus quotuplex?*

Triplex; Fluminis vel aquæ, Flaminis vel spiritus, & sanguinis. De Baptismo aquæ dicitur, Ioann. 3. Nisi quis renatus fuerit ex aqua, &c. De baptismo flaminis dicitur. Act. 1. Vos autem baptizamini spiritus sancto & igni. De baptismo sanguinis dicitur: Potestis bibere cali-

calicem, quem ego bibo? Et baptizari baptismo quo ego baptizor?

*Eucharistia quid?*

Græca dictio est, idem significās, quod gratiarum actio. Sic autem nominatur Sacramentum corporis & sanguinis Christi, quia sum. morum bonorum nos admonet, quæ gratiarum actionem exigunt. Item, quia ipsum offerimus Deo in laudem et gratiarū actionē, pro beneficio redemptionis nostræ.

*Cur dicitur Synaxis?*

Synaxis Græcè, Latine dicitur conciliatio vel communio. Dicitur autem Sacramentum hoc Synaxis vel communio, quia omnes de vno pane, & de vno calice participamus. i. Cor. 10.

Immo vnus panis, & vnū corpus efficimur. Per hoc enim mysterium significatur arctissima cōiunctio corporis mystici cum capite, id est Christi & Ecclesiæ & omnium Christi membrorum inter se. 1. Tit. 3.

*Cur dicitur Cœna Domini?*

Quia in vltima Cœna fuit institutum, & in eius memoriam celebratur.

*Quæ est cuiusq; Sacramenti vis & usus?*



# EXAMEN

Vis  
Sa-  
cra-  
mēti.

Baptismi  
Confirm-  
tionis  
Euchari-  
stie  
Poenitentiae  
Ordinis  
Matrimonij  
Extremae  
unctionis.

Est  
con-  
fer-  
re  
gra-  
tiam  
Spi-  
ritus  
san-  
cti.

Ad remissionem peccato-  
rum, maxime originalis.  
Ad robur & tutelam.  
Ad spirituales refectio-  
nem.  
Ad purgationē peccato-  
rum actualium.  
Ad debitam executionem  
officij suscepti.  
Ad coniunctionem multu-  
am animorum.  
Ad purgationem venia-  
rum peccatorum.

V-  
sus  
aut  
est.

Exuere veterē homi-  
nē & induere nouū.  
Fortiter resistere tē-  
tationibus.  
Iugum domini pati-  
enter ferre.  
Vitā seipsum totum  
dare Deo, et proxi-  
morum utilitati sicut  
Christus.  
Nova vita. (insistere.  
Operi et ministerio  
Seruare fidē, educa-  
re prolem.  
Feliciter & securē  
in Domino mori.

*Graduale quid significat?*

Gelasi'.

Lamentum pœnitentiæ, quod Ioannes excitavit, cùm diceret: Pœnitentiam agite, gemina viperarum; securis ad radicem arboris posita est. Luc. 3.

*Alleluia quid significat?*

Ioann. t.

Consolationem, quam addidit præcursor ostendendo Christum; Ecce, inquit, agnus Dei? & c. vel gaudium sempiternæ felicitatis post luctum pœnitentiæ, & peregrinationē huius vitæ. Post Alleluia sequitur Prosa, quæ & ipsa cantus est læticiæ, ad significandam geminam stolam, glorificationem scilicet corporum & animarum. Tractus significat tedium & molestiā, & laborē præsentis incolatus.

*Euangelium?*

Significat prædicationem Christi.

*Credo?*

Damasc.

Fidem Apostolorum, & confessionem Petri: Tu es Christus filius Dei. Matt. 16.

*Offertorium?*

Significat quòd post prædicationem Euangelij, non tantum sequi debet fides in corde, sed etiam laus in ore, & fructus in opere, ut scilicet tam nos quàm nostra Deo offeramus, qui tanta nobis dat & promittit per Euangelium.

# CENSURA PRES- BYTERANDORVM.

*Summa doctrinæ Christianæ quæ?*



Haritas de corde puro et conscien-  
tia bona, & fide non ficta. 1. Tim.  
1. In hac enim vniuersa lex pendet  
& Prophetæ. Matth. 22. Vel summa doctrinæ  
Christianæ, est agnoscere Deum, & quem mi-  
sit Iesum Christum. Ioann. 17. Vel summa do-  
ctrinæ Christianæ, est Christus finis legis ad  
ad salutem omni credenti. Roma. 10.

*Deus quomodo est trinus cum sit unus?*

Trinus est in personis, vnus tamen in sub-  
stantia, vel vnitatem essentia. Sicut Sol vnus  
est in natura, nunquam tamen est sine calore  
& luce.

*Quid cuiq; personæ proprium est?*

Pater à nullo est factus, nec creatus, nec ge-  
nitus. Filius à Patre solo est, non factus, nec  
creatus, sed genitus. Spiritus sanctus à Patre  
& Filio est, non factus nec creatus, nec geni-  
tus, sed procedens. Patris ergo proprium  
est, quòd ipse generet: Filio proprium est,  
vt sit genitus: Spiritui sancto proprium est,  
vt procedat. Item Patri appropriatur maie-  
stas, siue potentia & creatio: Filio appro-  
prias

## EXAMEN ORDINAND. 20

priatur sapientia & redemptio: Spiritui sancto appropriatur bonitas & sanctificatio. Cōmunia autem tribus personis sunt: Deus, deitas, magnitudo, uirtus, maiestas, æternitas, &c. Item: Charitas, ignis, lux, &c. Item: creator redemptor, refugium, &c.

*Quid sanctæ Triadi commune est?*

Omnia quæ essentiam concernunt. Qualis enim pater, talis filius, talis & Spiritus sanctus. Increatus pater, et ceteri. Immensus pater, et ceteri. Deus pater, & ceteri. sic Dominus pater, dominus filius, dominus Spiritus sanctus. Et in hac Trinitate nihil prius aut posterius, nihil maius aut minus, sed totæ tres personæ coæternæ sibi sunt & coæquales, & ceteri. Athanasius.

*Deus quomodo creauit hominem?*

Formauit Deus hominem de limo terræ, & inspirauit in faciem eius spiraculum vitæ, & factus est homo in animam uiuentem. Genes. 2. Item creauit Deus hominem ad imaginem & similitudinem suam, ad imaginem Dei creauit illum, masculum, & fœminam fecit eos, Genes. 1.

*Quare creauit hominem?*

Vt præesset piscibus maris, & volatilibus cæli, & bestiis vniuersæ terræ, omni; reptili,

C 4 quod



## EXAMEN

quod mouetur in terra, Gen. 1. Vel hominem creauit Deus propter seipsum, iuxta illud: Populum istum formaui mihi, laudem meam narrant. Isai. 43. Vel ideo creauit Deus hominem, ut creatorem suum cognosceret, cognitum diligeret, dilecto frueretur, ac in perpetuum beatus esset.

### *Homo quid est?*

Animal rationale, hoc est, substantia corporea, animata, sensibilis, & rationalis. Item homo ante casum fuit nobilissima creatura: post peccatum autem, factus est creatura miserrima. Vnde in scriptura nominatur caro, peccatum vanitas & nihil. Ad nihilum, inquit, reductus sum. Psalm. 72. Item: Homo vanitati similis factus. Psalm. 143. Item: Homo cum in honore esset, non intellexit, comparatus iumentis insipientibus, & similis factus est illis. Psalm. 48.

### *Quae sunt partes hominis?*

Secundum naturam duae, Corpus scilicet & anima. Secundum scripturam itidem duae, Caro & spiritus. Item homo exterior & interior. Item sensualitas & ratio. Caro significat quicquid in nobis est humanorum affectuum, citra spiritus sancti auxilium. Spiritus significat agitationes, & impulsus Spiritus sancti

sancti in nobis, ad opera bona. Quod natum est ex carne, caro est, &c. Ioann. 3. Vel caro est infima nostri pars, cui serpens antiquus per genitalem culpam, iuscripsit legem peccati, qua ad turpia prouocamur, & victi Diabolo cōnectimur: Spiritus est ea pars hominis, qua diuinæ naturæ similitudinem exprimimus, in qua & ipse conditor digito, id est, spiritu suo, honesta, suamque legem insculpsit. Inter hæc duo Paulus interponit animam, eam scilicet partem hominis, quæ sensuum ac motuum naturalium capax est. Hæc vel carni vel spiritui adhæret. Si carni, fit & ipsa caro & carnalis: sin autem spiritui, fit & ipsa spiritalis. Caro igitur constituit pecora: anima, homines: spiritus, pios & sanctos. Caro quærit dulcia: anima, necessaria: spiritus, cælestia.

*An cum libero arbitrio creatus sit homo?*

Vtique. Eccle. 15. Deus ab initio creauit hominem, & reliquit eum in manu consilij sui, &c. Apposuit ei ignem & aquam, &c. Item, Deus creauit hominē rectū, &c. Ecclesiastes.

*Liberum arbitrium quid?*

Est libera voluntatis electio, qua bonum cognitum creatura rationalis potest amplecti, & malū vitare. Arbitrium dicitur ab arbitrando & discernendo quid eligendum sit, &

C 5      quid

## EXAMEN

quid refutandum. Liberum autem dicitur, quod in sua potestate est agendi, quod velit. Liberum igitur arbitrium & intellectum includit et voluntatem. Intellectum, quo cognoscit. Voluntatem, qua eligit.

*Liberum arbitrium quale fuit  
ante lapsum?*

Fuit sanum & perfectum. Poterat tunc homo non peccare. Poterat Dei præcepta implere. Nullum habebat impedimentum, ut nunc: corpus non impediēbat intellectum, quò minùs quod bonum erat cognosceret. Nec concupiscentia in carne adhuc erat, quæ voluntatem à bono cognito auerteret.

*Liberum arbitrium quale factum est  
post lapsum?*

Infirmum & vulneratum. Potens quidem & promptum ad mala, insufficiens autem & tardum ad bona. Itē est sicut iumentum, quod indiget sessore, ad hoc ut pergat & rectē pergat. Sic liberum arbitrium indiget gratia impellente & dirigente, alioqui nihil rectē facit. Vnde Paulus: Velle quidem adiacet mihi, perficere autem non inuenio. Romanor. 17. Et Christus: Sine me nihil potestis facere. Ioann. 15.

*Quomodo lapsus est homo?*

Auer-

Auertendo se à bono incommutabili, ad bonum commutabile. Item plus condescendendo vxori quam Deo . Item plus credendo serpenti quam Deo . Item concupiscendo æqualitatem Dei, maximè autem per fraudem, & deceptionem Diaboli. Genes. tertio. Vnde Sapientiæ primo. Inuidia Diaboli mors intrauit in orbem terrarum.

*Peccata quomodo purgantur baptismo  
in paruulis?*

Per inuocationem sanctæ Trinitatis, per fidem & orationem Ecclesiæ, per virtutem & efficaciam Sacramenti, & vt aliqui volunt, per fidem infusam puero,

*Quomodo purgantur adulti dum  
baptizantur?*

Per fidem propriam, per confessionem fidei, & pœnitundinem vitæ prioris. Act. 2. Pœnitentiam agite, & baptizetur vnusquisque vestrum, & accipietis Spiritum sanctum, & remissionem peccatorum.

*A purgatis & reconciliatis quomodo co-  
lendus est Deus?*

Fide, Spe, & Charitate, quæ operatur obseruantiam præceptorum. Item Deus colendus est corde, ore, opere, secundum quod tria prima præcepta exigunt. Corde, credendo,  
diligendo,



## EXAMEN

diligendo, timendo. Ore, laudando, & confitendo. Opere, verum cultum & latriam exhibendo.

### *Quid est fides?*

Substantia sperandarum rerum, argumentum non apparentium. Hoc est, Fides est bonum menti hominis diuinitus infusum, quo citra ullam hæsitantiam credit esse verissima quæcunque diuina eloquia docuerunt, etsi non videantur, etiam si omnem rationem nostram exuperent.

### *Quotuplex est fides?*

Duplex: Infusa & acquisita. Infusa est, quæ à Deo infunditur homini ad assentiendū his quæ credenda sunt. Acquisita autem est, quæ post iustificationem, vel per auditum verbi, vel per visa miracula augefcit. Item duplex est fides: Actualis, quæ scilicet se exerit & exercet, vel ostendit. Habitualis, quæ se nō exerit, nisi pro loco & tempore, vt in dormiente est fides habitualis, sed non actualis. Itē duplex est fides: Mortua vel Historica, quæ tantū assentit Historiæ, sine omni affectu pio in Deum. Viua vel iustificans, quæ sic assentit Historiæ, quod omni fiducia fertur in Deum, & insuper per charitatem operatur, Galat. 5.

Fidei

*Fidei Symbolum quale?*

Symbolum collatio est. Sic fidei Symbolū est, quod ab Apostolis collatum & congestū est. Est autem tale: Credo in Deum patrē omnipotentem, &c. Aliud est Symbolum Athanasij de fide Trinitatis cōtra Arrianos: aliud est Symbolū Nicænū, nēpe q̄ patres in Nicæno cōcilio cōtra Arrianos: congesserunt: hoc cantatur ad Missam.

*Spes quid est?*

Est virtus, qua æterna bona cum fiducia expectantur. Vel secundum Magistrū in sentijs: Spes est expectatio futuræ beatitudinis, ex gratia & meritis proueniens.

*Spes quomodo differt à fide?*

Fides ostendit promissam gratiam, spes autem eam arripit, & sibi assignat. Fides dicit: Parata sunt inæstimabilia dona à Deo fidelibus suis. Spes autem dicit: Mihi illa parata sunt. Item fides est bonarum & malarum rerum. Credimus enim mala & bona, cælum & infernum esse, &cæt. Credimus item tam ad nos quā ad alios pertinentia. Spes autem tantum est bonarum rerum, & ad eum qui spem gerit, pertinentium. Nemo enim se sperat dānandum, nec quisquam pius sperat, quod ad se non pertinet, vt æqualitatem Dei.

*Charitas quid est?*

## EXAMEN

Est dilectio, qua diligitur Deus propter se, proximus propter Deum vel in Deo. Vel Charitas est finis præcepti, de corde puro, & conscientia bona, & fide non ficta. 1. Tim. 1.

*Charitatis an aliquis modus aut mensura?*

Non quia ad omnes se extendit in longum & latum, altum & profundum. Ephes. 1. Item Charitas nunquam excidet, sed in æternum manebit. Item maior est fide & spe. 1. Cor. 13. Vel charitatis modus & mensura, est diligere Deum ex toto corde, & ex tota anima, & ex omnibus viribus, & proximum sicut nos ipsos.

*Charitas quotuplex?*

Duplex: Dei scilicet & proximi.

*Charitatis ordo qualis?*

Ut primò diligatur Deus iuxta tria prima præcepta. Deinde proximus iuxta septem posteriora. Et inter proximos primùm diligantur parentes domestici, & fideles. Deinde etiam aduersarij, nec nos ipsos negligamus. Qui enim sibi malus, cui bonus? Miserere, inquit, animæ tuæ placens Deo. Eccles. 30.

*Quomodo per fidem, spem, & charitatem, perueniamus ad mandatorum obseruationem?*

Fides apprehendit gratiam in præterito exhibitam; spes autem præmia in futurum reposita. Ex his accenditur Charitas, quæ liberet

re et sponte Dei præcepta obseruat.

*Relapsi post baptismum quomodo  
restituuntur?*

Per pœnitentiam. Hæc enim est secūda tabula post baptismum, qua euadimus naufragium æternę perditionis. Quid autem ad pœnitentiam requiratur, suprà dictum est.

*Quomodo mandata Dei  
implentur?*

Per gratiam Dei, cooperante tamen et adnitente etiam humana voluntate. Ipse operatur in nobis velle et perficere. Vnde Paulus: Plus omnibus laboraui non ego autem, sed gratia Dei, mecum. 1. Cor. 15. Item mandata implemus, cū ex fide accipimus Spiritum sanctum, qui ad omnia bona nos incitat. Domine, inquit, da q̄ iubes, et iube quod vis: August. lib. Confessionum.

*Vnde tota hominis iustificatio?*

A Deo, Ipse enim remittit peccata propter Christum. Ipse insuper nobis infundit Iustitiam, qua coram ipso iusti simus. Iustificari enim, est absolui à peccatis, piumque et iustum effici: Vel exui vetere homine, & indui nouo. Item vera iustificatio à fide, et per fidem incipit: Bonis autem operibus conseruatur, augetur, cōtinuatur, perficitur, et probatur.



## EXAMEN

& probatur.

*Meritorum ratio quæ?*

Opera nostra, in quantum nostra sunt, nihil merentur, immo sunt velut pannus menstruatus, Isai. 64. In quantum autem Spiritus Dei ea in nobis operatur, meritoria sunt. Ipse enim sua dona in nobis coronat. Item ex nobis ipsis nihil meremur: Quia nihil Deo dare possumus, quod non prius ipsius sit. Nihil agere, quod non prius debeamus. Vnde etiam si omnia fecerimus, quæ nobis præcepta sunt, tamen dicere debemus, quod serui inutiles sumus, Luc. 17. Tamen quia ipse seruantibus sua præcepta, ex gratia promissit æterna bona, dicimur ea mereri: non quod opera nostra adeo perfecta sunt, sed quia Deus promissit. Itē Christus futuram beatitudinē nominat mercedem: Ergo opera pia habent rationem meriti. Vbi enim merces, ibi est & meritum. Ita tamen quod semper plus respiciendū in gratuitam Dei promissionem, quàm in operum nostrorum valorem.

*Quis moriendi optimus modus?*

Mori in Domino, id est, in fide Christi, in studio pietatis, perseuerantia bonorum operum, & patientia sub cruce. Apocaly. 14. Beati mortui, qui in Domino moriuntur.

Quis

*Quis animæ status post mortem?*

Animæ piorum, sunt in requie cum Lazaro: animæ impiorum, sunt in tormentis cum diuite. Luc. 16. Animæ imperfectorum, sunt in purgatorio, donec per gratiam & subuentionem fidelium liberentur. Ideo Ecclesia ab exordio semper pro mortuis orauit, vt patet ex Tert.

*Præfatio quid significat?*

Quia altè legitur post aliquantum silentium, significat reditum Christi in Iudæam, postquam aliquandiu latuerat propter insidias Iudæorum. Ioan. 11. Tunc enim instante passione, manifestè redijt in Iudæam, ac primò insignem illam cœnam Bethaniæ celebravit. Ideo præfatio altè cantatur.

*Sanctus?*

Significat acclamationem turbæ, in die Palmarum.

*Canon?*

Prima pars Canonis ante verba cōsecrationis, significat tres illos dies inter diem Palmarum, & cœnam Domini. Verba consecrationis admonent vltimæ cœnæ, & institutionis Sacramenti.

*Eleuatio hostiæ & extensio manuum?*

Significat extensionem & eleuationē Christi

D

fti in

## EXAMEN

sti in Cruce. Pars Canonis quæ sequitur, & secretè legitur, significat silentium Christi in cruce.

### *Pater noster?*

Significat orationem Christi: Pater dimitte illis, &c. Item, Pater in manus tuas. &c. & alia verba, quæ in cruce protulit: ideo altè cantatur.

### *Fractio hostiæ?*

Significat mortem Christi.

### *Immissio in calicem?*

Significat sepulturam.

### *Pax Domini?*

Significat fructum passionis Christi, quæ pacificauit nos Deo cum sanguine suo.

### *Agnus Dei?*

Significat vocem Centurionis: Verè hic homo iustus erat: Et pœnitudinem populi, qui percutientes pectora sua, reuertebantur. Vel pax Domini, significat resurrectionem Christi, in qua Apostolis annunciauit pacem Ioann. 20.

### *Commune?*

Significat gratiarum actionem Ecclesiæ, p beneficio redemptionis. Vel significat gaudium Apostolorum de Christi resurrectione, Ioann. 20.

Vltimæ

*Vltimæ collectæ?*

Significant orationem Christi, qua pro nobis iugiter interpellat ad Patrem,

*Per ite Missa est?*

Dimittitur populus ad propria. Quasi dicat: Ite, Missa est hostia ad Patrē. Vel: Ite, missa est completa.

*Benedictio?*

Significat benedictionem Christi ascendentis. Luc. 24.

Expositionem Canonis, orationis Dominice, & symboli Apostolici, ex Rationali diuinorum, vel ex alijs pete.

**H**AE C boni consulat quicumque legerit, sciatque, pro his tantum scripta esse, qui meliora non habent, vnumque hic quæsitum, ne tales omnino muti in Examine Ecclesiastico inueniantur.

# Catalogus quæstionum

communium, quæ in examine subdiaconandorum proponi solent.

<b>V</b> Nde homini cognitio Dei? Fol.	4
Quomodo se reuelat Deus?	ibid.
Vnde homini religio?	ibid.
Religio quid?	5
Religio uera quæ?	ibi.
Vnde religio dicta?	ibid.
Idololatria quid?	ibid.
Idololatria unde dicta?	ibid.
Idololatria quotuplex?	ibi.
Idololatria unde ortum habuit?	ibi.
De Deo quomodo sentiendum.	6
Dei nomen quot modis accipitur in scripturis?	ibid.
Deus quid est?	ibid.
Dei nomen proprium quod?	ibid.
Dei uocabulum unde?	ibid.
Deus in quibus est?	7
Deus quomodo summæ rerum præsideat?	ibid.
Spiritus quid?	ibid.
Angelorum officium quale?	ibi.
Diaboli natura quæ?	ibi.
Diaboli nomen unde?	ibid.
Diabolus in quibus tyrannidem suam exercet?	ibid.
Quo=	



# INDEX.

Quomodo tyrannidem suam exercet?	8
Ecclesia quid?	ibid.
Quotuplex Ecclesia?	ibi.
Ecclesiæ uocabulum quale?	ibi.
Ecclesia cur dicitur Christiana?	ibid.
Cur dicitur sancta?	ibid.
Cur Orthodoxa?	ibid.
Cur dicitur Catholica?	ib.
Ecclesia quid differt à Synagoga?	ibid.
Hierarchia quid?	ibid.
Ecclesiastica Hierarchia quæ?	ibid.
Ecclesiastica Hierarchia quotuplex?	9
Ordo quid?	ibid.
Ordo uel ordinatio potiùs, an Sacramentum?	ibid.
Quotuplex est ordo?	ibid.
Quæ cuiusq; ordinis nomenclatura?	ibid.
Quod officium cuiusq; Ordinis?	ibi.
Horarum Canonicarum ratio quæ?	10
Missæ quid?	ibid.
Missæ uocabulum quale?	11
Quid significat introitus?	ib.
Kyrie eleison quid?	ibid.
Gloria in excelsis quid?	ibid.
Collectæ quid?	ibi.
Epistola quid?	ibid.

## QVÆSTIONES IN EXAMINE

Diaconandorum proponi consueta.

# INDEX.

<b>M</b> inisterium uerbi quale?	12
Quid continetur noīe Canonicae scripturae?	ib.
Quare dicitur uetus Testamentum?	ibi.
Quare dicitur nouum Testamentum?	ib.
Quae sunt ueteris Testamenti uolumina?	ibid.
Quae sunt noui Testamenti uolumina?	13
Qui sunt auctores singulorum librorum?	ibid.
Qua lingua scripti sunt libri sacrae scripturae?	ibi.
Quibus argumentis probatur scripturae canonicae auctoritas?	ibid.
Vetus lex quibus constat?	14
Noua lex quibus constat?	ib.
Quae est differentia ueteris & nouae legis?	ib.
In quo differunt ceremoniae legis à Sacramentis nouae?	ib.
Sacramentum quid est?	ibid. (Stris? ib.)
Sacramenta quot sunt?	15
Quot res in quolibet Sacramento spectantur?	ibid.
Quare instituta sunt Sacramenta?	ibid.
Peccatum quid est?	ibid.
Peccatum quotuplex?	16
Poenitentia quid?	ibid.
Poenitentiae quae partes?	ibid.
Confessio quotuplex?	ibid.
Satisfactio quid?	ibid.
Quae clauium potestas?	ibid.
Catechesis quid?	17
Quae ratio eius? Vel quid opus instructione?	ib.
	Baptis.

Baptismus quid?	ibid.
Baptismus quotuplex?	ibid.
Eucharistia quid?	18
Cur dicitur Synaxis?	ibid.
Cur dicitur Cœna Domini?	ibid.
Quæ est cuiusq; Sacramenti uis & usus?	ibi.
Graduale quid significat	19
Alleluia quid significat?	ibi.
Euangelium quid?	ibi.
Credo & offertorium quid?	ibi.

QVAESTIONES, QVAE IN EXAMINE Presbyterandorum proponuntur.

Svmmæ doctrinæ Christianæ quæ?	19
Deus quomodo est trinus, cum sit unus?	ibi.
Quid cuiq; personæ proprium est?	ibi.
Quid sanctæ Triadi commune est?	20
Deus quomodo creavit hominem?	ibid.
Quare creavit hominem?	ibid.
Homo quid est?	ibid.
Quæ sunt partes hominis?	ibid.
An cum libero arbitrio creatus sit homo?	21
Liberum arbitrium quid?	ib.
Liberum arbitrium quale fuit ante lapsum?	ibi.
Liberum arbitrium quale factū est post lapsum?	ib.
Quomodo lapsus est homo?	ibid.
Peccata quomodo purgātur baptismo in parvulis?	22
Quomodo purgantur in adultis, dū baptizantur?	ib.

# INDEX.

A purgatis & reconciliatis quomodo colendus	
est Deus?	ibid.
Quid est fides?	ibi.
Quotuplex est fides?	ibid.
Fidei Symbolum quale?	23
Spes quid est?	ibid.
Spes quomodo differt à fide?	ibi.
Charitas quid est?	ib.
Charitatis an aliquis modus aut mensura?	ibid.
Charitas quotuplex?	ibid.
Charitatis ordo qualis?	ibid.
Quomodo per fidem, spem & charitatem, perueniamus ad mandatorum observationem?	ib.
Relapsi post baptismum, quomodo restituantur?	24
Quomodo mandata Dei implentur?	ibid.
Vnde tota hominis iustificatio?	ibid.
Meritorum ratio quæ?	ibid.
Quis moriendi optimus modus?	ibi.
Quis animæ status post mortem?	25
Præfatio quid significat?	ib.
Quid sanctus, & Canon?	ibid.
Eleuatio hostiæ, et extensio manuum quid designât?	ib.
Pater noster quid?	ibid.
Fractio hostiæ, Immissio in calicem?	Pax Domini,
Agnus Dei, Commune, Vltimæ Collectæ, Ite missa est?	ibid.
Benedictio quid?	ibid.

ctori S. D.



Vm ad finem istarum Re-  
spōsionum excudēdo per  
uenissem, & chartas quas  
dam non satis commodē  
vacuas relinqui viderem :

has enarrationes D. Georgij Vuicelij,  
in Symbolum Apostolicum, in Oratio-  
nem Dominicam, in salutationem An-  
gelicam & in Decalogum, quas pridem  
Auctor in simili argumento adiunxe-  
rat, ad explendas reliquas chartas, adde-  
re volui: existimans, sic cum opportuni-  
tate finiendi libelli, tuam etiam,  
pie Lector, vtilitatem con-  
iungi. Opto te felici-  
ter vale-  
re.

D 5

SYM-



# SYMBOLVM

APOSTOLORVM, SEV FIDEI  
Christianæ Rudimenta.

## I.



REDO in Deum, Patrē omnipotentem, Creatorem cæli & terræ.

II. Et in Iesum Christum filium eius vnicum Dominum nostrum.

III. Qui conceptus est de Spiritu sancto: natus ex Maria Virgine.

IIII. Passus sub Pontio Pilato, crucifixus, mortuus & sepultus.

V. Descendit ad Inferos, tertiâ die resurrexit ex mortuis.

VI. Ascendit ad cælos sedet ad dextêram Patris omnipotentis.

VII. Vnde venturus est iudicare viuos & mortuos.

VIII. Credo in Spiritum sanctum.

IX. Sanctam Ecclesiam Catholicam, communionem sanctorum.

X. Remissionem peccatorum.

XI. Carnis resurrectionem.

XII. Vitam æternam, Amen.

EXEGE.

# EXEGESIS APOSTOLICI

Symboli, præfato Geor.

Vuic. Auct.

39

**C**Redo) corde & confiteor ore (in Deum)  
vnum, verum, viuum, (patrem) cælestem  
& æternum (omnipotentem) cui nihil im-  
possibile, nihil difficile. (Creatorem cæli &  
terræ) Creauit autem in principio vtrunque  
verbo prolato, & flatu præfente, ne non sibi  
Trias illa constaret (Et in Iesum Christum)  
Nomen est hoc omnium sanctissimi Messia  
nostri, quod sit & saluator & vnctus, adeoq;  
quod sit diuinitus Dominus, sacerdos ac rex  
verè trismegistus. (Filium eius vnicum )  
quippe vnigenitum, modo incogitabili na-  
tura filium existentem ante omnem creatu-  
ram, genitori consubstantiali atque coæ-  
ternum. Vnicum verò, quia Christiani nos  
etiam dicimur & sumus filij Dei, sed gratia,  
non natura: adoptati, non nati (Dominum no-  
strum) Imperatorem ac principem, cui redē-  
pti seruimus, subque cuius elato signo stipen-  
dia facimus spiritales milites. (Qui conceptus  
est è Spiritu sancto) modo ineffabili, idque  
eo tempore quo Archangelus Gabriel ad  
virginem Iosepho desponsatam saluator  
acces-

## SYMBOLVM

accessit. (Natus è Maria virgine) atque ita verbum, per quod initio creauit Deus cælum & terram, caro factum est. (Passus sub Pontio Pilato.) Conceptus in oppido Nazareth, natus in oppido Bethleem, passus in ciuitate Hierusalem, accepta sententia mortis à iudice Pilato, qui ipse tamen palā affirmabat, se nullam causam mortis in eo inuenisse. (Crucifixus) peculiari supplicio Romanorum, idque non aliter ac si fuisset maleficus, quū de nullo peccato quiuerit argui. Tantum abest, vt capitale aliquod crimē potuerit in eū cadere. (Mortuus) iuxta hominem pro nobis hominibus, à morte sempiterna per hanc mortem probrosam redimēdis. (Et sepultus) ne quid in Scripturis sanctis de Messia seu Christo, non reuerà impleretur. (Descendit ad inferos.) Nimirum, vt iure destructis inferorum portis, electos suos liberaret, æternaque vita donaret. (Tertia die resurrexit ex mortuis.) Atque hoc deuicta morte relictis sub terra mortuis, ipse non amplius moriens. (Ascendit ad cælos) victor & triumphator, illò autē ascendit filius hominis, vnde prius descenderat filius Dei. (Sedet ad dexteram patris omnipotentis.) Nimirum glorificatus seu clarificatus, & conregnans eiusdem cum patre potestatis

statis ac dignitatis. (Vnde venturus est iudicare viuos & mortuos.) A dextera Dei patris, cui iam corporaliter assidet sub nouissimum diem iterum veniet in terram hanc, quæ admodum visus est in Bethania scandere nubes cæli. Et veniet in maiestate regia, cum Angelico satellitio, tam rex quàm iudex, ad cuius tribunal vniuersi mortales sistentur examinandi de peracta vita. Is aduentus Christi posterior, est in expectatione omnium maxima. (Credo in Spiritum sanctum.) eadem videlicet fide, qua in patrem & filium credo. Nam vna vnus Dei fides: Vnus Deus in substantia: Trinus in persona. (Ecclesiam Catholicam, communionem sanctorum.) Persuadeo mihi congregationem Christianorum Euangelij fide sanctam, & eiusdem confessione felicem existere, vnamque esse omnium communionem ac societatem, adeoque omnes vnū esse corpus, cuius caput Christus seruator. Verū congregatio fidelium, quā existere verè credo, & cuius me consortem atque participem esse profiteor, Catholica seu vniuersalis est, non scismatica seu particularis (Remissionē peccatorum.) In Ecclesia tali credo Christianis pœnitentibus & conuersationem suam à Baptismo ac gratia gustata corrigentibus,

pecs

## ORATIO

peccata remitti per misericordiam optimi pa-  
 tris (Carnis resurrectionem) Futurum indu-  
 bitanter credo, vt cuneli mortales mortui,  
 carne denuò vestiti, è suo quisque sepulcro  
 resurgant, expergefatti, velut à somno voce  
 filij Dei, ac Archangelica tuba. (Vitam æ-  
 ternam) Et hanc futuram cum primis  
 credo hæreditatem, videlicet no-  
 stram, conseruatam in cælis,  
 quò tendimus per mo-  
 mentanæ vitæ hu-  
 ius varia dis-  
 crimi-  
 na.

## Precatio Dominica.



Dater noster, q es in cælis.  
 I. Sanctificetur nomen  
 tuum.  
 II. Adueniat regnū tuū.  
 III. Fiat volūtas tua, vt in  
 cælo, sic etiam in terra.  
 IIII. Panem nostrū quoti-  
 dianum, da nobis hodie.  
 V. Et remitte nobis debita nostra, sicut &  
 nos remittimus debitoribus nostris.

VI. Et



VI. Et ne nos inducas in tentationem.

VII. sed libera nos à malo. AMEN.

## EIVSDEM EXEGE.

**P**ater noster, qui es in cælis) credentes nos filij tui, per gratiam in hæreditatem asciti, te inuocamus, te adoramus supplices, tua si bonitate.

I. Sanctificetur nomen tuum.) Id est, vtinã sanctum tuum per nostram conuersationem bonam glorificetur inter omnes homines & dicatur in gentibus: Sanctus Deus ille sit, oportet, qui tam sanctos habet ministros ac confessores. Nomen tuum omni tempore locoque prædicetur, laudetur, metuatur.

II. Adueniat regnum tuum.) Id est, vtinam exoptatum tempus tandem veniat, aut potiùs redeat, quo ipse Rex regnes inter nos quotquot nomen tuum iactamus, & moderis credentium pectora Spiritu sancto. Regnum tuum spiritale semper & vbique floreat & præualeat regno mundi. Fac vt regnum illud tuæ maiestatis, & iustitiam eius iugi studio quæramus: hoc est cælestia nobis curæ sint, non terrestria. Breuiter, domine Pater, rex æternæ, tu regna, tu impera, ac simul effice, nos vt seruiamus, vt pareamus.

III. Fiat

## ORATIO

III. (Fiat voluntas tua, &c.) id est, vtinam voluntatem tuam lubētes & perficiamus & sufferamus, illi nostram subiicientes, quamdiu versamur in terra. Tale enim decet nos, hæreditatem possessuros in cælo.

III. (Panem nostrum quotidianum) id est, nos quod facis, enutri Pater. A te enim solo nostrę manus operatrices tectum, victum atque vestitum expectant. Porro curato corpore, pasce quoque animum, bonę pastor, idq; verbo factō, ipse visita, ipse doce nos, nostrū est audire, discere, meditari, facere.

V. (Et remitte nobis debita nostra, &c.) id est, propitius esto nobis peccatoribus, Pater amantissime. Ne moriamur in peccatis nostris. Ne intres nobiscum in ius. Ne gehennę adiudica nos. Effice iuxtā, ne malum pro malo reddamus, sed ijs qui læserunt nos, ultro, si sit opus, beneficiamus, condonantes quicquid in nos commiserunt. Tolle vindictę cupiditatem ex animis nostris, & dilectionem immitte, qua fiat vt peccare desinamus.

VI. (Et ne nos inducas in tentationem) id est, Ne patere Rex noster Opt. Max. vt toties & tam periculose infirmiusculos nos Satan tentet & ad malè operandum sollicit. Noli permittere vt tribulationes, quas nobis ho-

stis

stis ille procurat, nos absorbeant, sed ferendi vires subministra, sicque age nobiscū, vt è tot tētationū vndis te duce victores euadamus.

VII. Sed libera nos à malo) id est, custodi nos sicut pupillam oculi tui. A malo dæmone ptege nos, & omnia nostra. A hominibus iniquis eripe nos, à morbis præserua nos, aduersus acerbissimum Christiani nominis hostem Mahumetanum Turcam defende nos. Ab aduersis denique omnibus libera nos, vt tuo munimine tuti, tibi seruiamus ac placeamus in sæcula (Amen) id est, ratum & certum esto, quicquid à maiestate tua diuina petiuimus.

## DOMINICAE PRECATIONIS

## Epilogus.

**F**ilij petimus, vt nomen Dei glorificetur, regnum Dei quæratur, & voluntas Dei peragatur. Deinde vt necessaria nobis dentur, vt peccata nostra remittantur, vt infirmitates nostræ fulciantur. Postremum, vt tam corpore quàm animo ab aduersitatibus liberi, Deo nostro per Christum vnigenitum viuamus in omni pietate ac honestate, Sela.

E

AN.

## Angelica Salutatio.

**A**VE Maria, gratia plena; Dominus tecū,  
benedicta tu inter mulieres, & benedi-  
ctus fructus ventris tui Iesus Christus.

### EIVSDEM EXEGESIS.

Aue) Gaude ac exulta. (Maria) semper vir-  
go, in ipso etiam matrimonio (Gratia plena)  
quippe Christifera, imo Theotocos, spiritu  
gravidā, fide repleta, spe firmata, charitate ra-  
dicata. (Gratia plena) hoc est omnibus donis  
gratiæ plena: vnde apud Deū & homines pu-  
ella gratioſa, fauorabilis, amata, deſyderata  
(Dominus tecum) videlicet eſt, quantus quā-  
tus eſt. Tecum habitat, te complectitur, te gu-  
bernat, te exaltat, te coronat Dominus (Bene-  
dicta tu in mulieribus) neque enim vlla om-  
nium te præcellentior, te præluſtior extitit.  
Inter natas ſeu filias mulierum, non ſurrexit  
maior Maria matre Domini. Proinde nulla  
vllō ſæculo laudatior, nulla celebrior. Beatā  
hanc dicunt omnes generationes, huius ani-  
ma magnificauit Dominum, huius ſpiritus  
exultauit in Deo ſalutari ſuo. (Et benedictus  
fructus ventris tui Ieſus Chriſtus.) qui ipſa  
eſt benedictio, qua benedicimur oēs, quot-  
quot

quot credimus in nomine eius. Imcomparabilis laus est Mariæ, Messiam seu Christū fructum ventris eius, id est, filium & esse & dici.

## Decalogus, seu Decem VERBA DEI PRAECEPTORIA.

I.



E habeto deos alienos coram me.

II. Ne sumito nomen Domini Dei tui in vanum.

III. Memento diei Sabbati, vt sanctifices illum.

III. Honorato patrem & matrem tuam.

V. Ne occidito.

VI. Ne adulterium committito.

VII. Ne furtum facito.

VIII. Ne respondeto contra proximum tuum falsum testimonium.

IX. Ne concupiscito domum proximi tui.

X. Ne concupiscito vxorem eius, non seruum, non ancillam, non bouem, non asinum, nec omnia quæ illius sunt.

### ENARRATIO DECALOGI

longè breuissima.

I. Ne habeto deos alienos coram me. Hoc, est me solum habeto Deum peculiarem, domesticum, amicum tibi: imo creatorem

E 2 atque



## DECALOGI

atque Patrem tuum, qui te amat, qui vt viuas facit, qui tibi, vnde viuas, prospicit: qui gressus tuos dirigit: qui te, ne lædaris, obtegit: qui te, ne exitialiter pecces, custodit: qui te lapsum erigit: qui te afflatu suo sancto, rectè vt conuerferis motat: qui te, vt se cognoscas efficit: qui te cælestia docet: qui te, sicubi malè vales, medicatur: qui te in aduersis solatur, secunda subinde procurans. Breuiter cuius semper es, tam dormiens, quàm vigilans. Hic igitur vnus meritò Deus, meritò Dominus tibi sit: Huius verbum ac voluntatem in primis audi, crede, disce, animo retine, factis exprime. Huic adhære per fiduciam. Hunc diligere corde toto, totisq; viribus. Eundem cole, admirare, suscipe, extolle, metue, adora, prædica, lauda, glorifica, sequere. Ab hoc solo Deo tuo pende, ab hoc solo quæuis roga, spera, & expecta. Præter hunc de nullo Deo audire sustine, præ hoc contène quicquid vult aut Deus, aut simile Deo. Idololatriam tã Ethnicorum, quàm Pseudochristianorum fuge. Antichristos horre, hæreticos deuota, sciens terrorem vltoris Domini.

II. Ne sumito nomen Domini Dei tui, & c.)  
Id est, sanctum nomen Dei, quem fide vnum habes, quem vnum tibi addicis, propriumq;  
fa-

facis multò religiosissimè venerare. Eo enim nihil sub Sole sanctius, nihil maius. Ad nomē Dei tui nominatum flecte genu, caput aperi, tunde pectus. Hoc nomen pretiosissimum charissimumque tibi perpetuò sit. Huius potentiaē confide, huic da gloriam, hunc inuoca, ab hoc consolationem accipe, in hoc gaude, in hoc vince. Prætereà Euangelium Dei tui, item Sacramenta Dei, super quæ nomen istud augustissimum inuocatum est, summa religione complectere. Tantoque bono caue, ne vnquam abutaris, vel ad periuriū, vel ad conuitium. Ne magiaē vel curiosis artibus operam dato, ne iurato, ne maledicito, ne malè precator vlli mortaliū. Sanctissimo noīe, sanctissimo verbo, sanctissimis deniq; charissimis domini Dei tui ad huius gloriam & ad vtilitatem omnibus hominibus æquè cōmunē vtitor. Sin minùs, en adest in foribus vltix blasphemiaē virga.

III. Memento diei Sabbati, &c) Iudaicum Sabbatū Iudæis Christiani relinquimus; Nos verò primam Sabbati, hoc est, diem Dominicum, in Dominica resurrectionis continuam memoriam, obseruatione publica sanctificamus. Hunc diem, Sabbatum, seu ferias nostras appelles licet, attamen, vt nihilominus omne

## DECALOGI

gratię tempus Christiani Sabbati nomine cę-  
seas. Ad rem: Sabbatum igitur sanctifica, hoc  
est, diem Dominicum, adeoque reliquum vi-  
tę tempus sanctis operibus transige. Non tuā,  
sed Dei volūtatem hilariter perface. Deo tuo  
ferias age quietus. Cæterum seruire Deo, fe-  
riari est: obsequium dare diabolo, seu pecca-  
re, operari est. Congregatis in Christo fratri-  
bus te adiunge, cum his ieiuna, commissa cō-  
fitere, precare, psalle, gratias age, Eleemosy-  
nas in egenos disperge, egrotos inuise, tristes  
solare, hospites peregrē venientes excipe; pu-  
pis, pupullis patrocinare, &c. Hoc demum pa-  
cto Sabbatum ritē sanctificaueris.

III. Honorato patrem & matrem tuam,) Vt  
Sabbatum Dei sanctificari, ita parentes no-  
stros honorari iubet lex immaculata. Sabba-  
tum Ecclesiasticis operibus sanctificatur, pa-  
rentes honorantur politicis & œconomi-  
cis. Honora parentes, id est, reuerere illos, as-  
surge, cedeque locum illis, verbis blandis cō-  
pella, & id quidem honorificē, loquentibus  
illis suauiter arride, senio grauatos hume-  
ris tuis posito pudore fulci, ac sustenta bra-  
chijs: sic enim bene institutos liberos de-  
cet. Verū ad grauiora legis festino. Ho-  
nora

nora parentes, id est, obedi parentibus Christianis, quorum videlicet iussa capeſſere fas est. Confule parentes, ſi cubi hæres. Time parentes, ſi quid amiſiſti, ob quod te mens cōſcia redarguat. Eoſdem defende aduerſus iniuriā parum bonæ viciniæ. Si ſunt egentes, ale: ſi carent teſto, collige: ſi ſenio deliri, doce: ſi nudi, tege. Quid multis? Eum honorem parentibus, imò eam honorificam beneficentiam, debes ad ſepulcrum uſque. Honorato præterea magiſtratus ac præceptores tuos, atque hoc obſeruantia debita. Promiſſione, ſi ſi mi, diuina fruëris, ſi morem geſſeris præcepto diuino.

V. Ne occidito.) Atrabili percitus, caueas ne te rapiat præcipitem triſtis iracundia: ita ut proximo tuo, (qui eſt omnis homo) manus inferas. Iram reprime, à verberando manus abſtine, ne quid pœnitendum committas. Inſidias nemini ſtrue. Inimicitiam procul fuge, lites ac fori latratus te non decere puta. Fratrem obſtricto collo in iudicium ne agas. Ne minem oderis, nec inuideas ullius felicitati. Contra verò dilige fratrem, à Chriſto Ieſu dilectione petita, dilectum adiuua, adiutum alijs commenda, commendatum fraternitate haud indignū iudica. In ſūma cole amicitia.

## DECALOGI

VI. Ne adulterium committito.) Coniunctum tuere thalamum domi ac foris. Innuptus aut esto continens, aut nubito. Corpus tuum templum Dei est, hoc tu si turpiter, per phanes, iam è Dei templo cloaca Diaboli redditus, animam tuam volens dedis Tartaræ gehennæ. Sed lingua quoque casta sit, sicut decet sanctos. Turpiloquiū enim audiri inter nos non debet, & piaculum est læticiam tolerare, fornices facere. Accipe summā rei, adulteros vnā cum fornicarijs dānat Deus, eijcit Ecclesia, reprobatur politia, infamat vicinia.

VII. Ne furtum facito.) Contētus re tua vive, si est angusta, moderare victum: sin ampla, decide partem in egentia membra communis Ecclesiæ. Mutua charitas furto rapinaq; vt plurimum lēditur, & rigor iuris excitatur. Eripi tibi aliquid permolestè fers, cur ergo quod tibi fieri nolis, alteri facias? Cæterū enorme scœnus etiam exercere, furari est. Nec ab hoc crimine diuersum fuerit fraude negociari, & mangonizare mercimonia. Dolosos mercatores atque opifices, fucatos fures ne utiquam falsò dixeris, gregarijs furunculis interuallo aliquo superiores.

VIII. Ne respondeto aduersus proximum  
tuum



tuum falsum testimonium) id est, caue ne vilo sermone aut literis cuius proximo noceas, sed huc incumbere, vt tam loquendo, quàm scribendo, prosis. A iudicialibus abhorre, si quando de capite hois alicuius agitur. Noli mentiri, nec mentientibus patronus esse. Errorem, si quem deprehenderis, tanquam exitialem pestem vitæ, item noxias fabulas. At contra veritati stude, illique modis omnibus assuesce: Euangelium Christi Iesu, sine fermento hæreticorum admixto omnium lucidissima atque purissima veritas est: hanc ama, hac oblectare ceu vnico thesauro, ab hac nullus auellat te.

IX. Ne concupiscito domum proximi tui) hoc est, suam cuique facultatem saluam esse finito. Nihil tibi cum alienis ædibus, aut prædijs, aut hortis, aut nemoribus, aut piscinis, aut viuarijs. Sine ijs ille fruatur, cui eiusmodi possidenda diuinitus obtigerunt. Tu tuis frue, tua sorte contentus. Si Domino visum fuerit, dabit tibi quoque, vnde commodius viuas in terra: sin minus, opulentissima illa in cælis hæreditas certò te manet.

X. Non concupiscito vxorem proximi, &c) Hoc est, vt substantiam huius sæculi, quæ tua nō est, ita familiam alienam tibi ne opta qui-

## DECAL. ENARR.

dem, tantum abest, vt per violentiam inuas-  
das, tibi que vsurpes. Vt alteri suam domum,  
ita domestica, quæuis euam intacta, relinqui  
to. Vxorem ille sibi duxit, sibi ductam habe-  
at; sed sic quasi non habeat, quemadmodum  
exteriora bona oīa. Nec tibi quicquid rei cum il-  
lius famulitio, sicut nec illi cum tuo. Idē de iu-  
mētis senti. Quod tuū est boni cōsule: quod  
est alterius, ne cupi. Primū Decalogi præcep-  
tū, cauet de alienis dijs; vltimū de alienis bo-  
nis. Deos alienos habere, idololatria est: bona  
aliena cōcupiscere, pleonexia est.

### EPILOGVS DECALOGI.

Qui diligit alterum, legem expleuit. Si qui-  
dem illa: Non adulterabis, Non occides, Non  
furaberis, Non falsum testimoniū dices, Non  
concupisces, & si quod aliud præceptum, in  
hoc sermone summatim comprehenditur.  
Nempe: Diliges proximum tuum sicut te ip-  
sum. Dilectio proximi malum non operatur.  
Consummatio itaq; legis, est dilectio. Rom.  
ca. 13. Rursus Gal. 5, Tota lex in vno verbo cō-  
pletur, nempe hoc: Diliges proximum tuum,  
sicut te ipsum. Idem Apostolus. 1. Tim. 1. Fi-  
nis præcepti est charitas ex puro corde, & cō-  
scientia bona, & fide non simulata.

FINIS.

VSVS

38

# VSVS LITVRGIÆ

## CHRISTIANÆ.

### I.

**A**D introitum Dominici altaris Cōfessionem peccatorum tuorum, vnā cum Presbytero confidenter facito, humi prouolutus & tonso ter pectore, & cum eodem in pedes surgito.

II. Obsecratiunculam pro misericordia Domini (vocalamus Græcè KYRIE-ELEISON EMAS, id est, Domine misere nobis) cum obsecrante Presbytero quoque repetito.

III. Ad finem orationis Collectæ, Amen ex fide subiungito.

IIII. Audito nomine Iesu aut Christi, genu flectito corde consentiente.

V. Quoties recinitur, Gloria patri, &c. caput reuerenter aperito, & geniculato citra Hypocrisin, vt omnia.

VI. Quando Presbyter Euāgelium lecturus, sonat: Sequentia sancti Euangelij, &c, frontem crucis signo ter terito,

VII. Ad

VII. Ad Chori responsionem Gloria  
tibi Domine, incuruato genua.

VIII. Symbolum fidei vnà recitato.

IX. Quando Presbyter hortando sonat: Gratias agamus, & c. procumbito: & gratias Deo tuis verbis agito. Idem fiat in doxologia precedenti, vbi dicitur Gratias agimus tibi, &c.

X. Trisagion, videlicet Sanctus, sanctus, sanctus, &c. ipse quoque religiosè pronuntiato.

XI. Ad exordium Canonicae Preca-  
tionis, humi prostratus ex animo opta, vt  
quod Presbyter à Deo petit, vsuueniat.  
Et exopta pariter, vt Dominus Deus  
noster sanctorum suorum intercessio-  
nes pro Ecclesia clementer exaudiat.

XII. Inter eleuandū proferto scriptā  
gratiarum actionem pro redemptione  
nostri, hocque complicatis manibus.

XIII. Deinceps precare ardentem pro  
animabus fidelium hac vita defunctorum.

XIIII. Orationem Dominicam vnā  
cum sacerdote plena fide dicito.

XV.

XV. Cùm canit, Pax Domini, &c. cō  
signa frontem & pectus, & eam tibi pa-  
cem vehementer exopta.

XVI. Ter item inuocato agnum Dei,  
vel cantu, vel prece.

XVII. Communicato mysticis Sacra-  
mentis spiritualiter nullo non die.

XVIII. Accedat consensus precationi  
sacerdotali, & Amen respondeto.

XIX. Benedictionem sanctissimę Tri-  
dis prono vultu atque capite excipito.

XX. Pòst caueto ne pecces criminali-  
ter, sed vt bene opereris satagito.


FINIS.





PIA ATQVE SVC  
cincta Canonis Missæ, expo-  
sitio, vetustate, religione &  
eruditione commendabilis,  
Venerabilis D. Odo-  
nis, quondam Ecclesiæ  
Cameracensis  
Episco-  
pi.

PRÆSTANTI  
ATQVE INTEGERR. VIRO,  
DOMINO LVDOVICO CAR-  
pentarij M. Diui Victoris apud  
Moguntiam Canonico, & S.  
Mauritij Decano, & c.  
Philipp. Agricola  
Mogunt.  
S. D.

 Vm superiore anno Frācofor-  
diæ in mercatu hyemali effem  
Opti. Vir, incidi, nescio quo ca-  
su in diuersas. S. S. Canonis explicatio-  
nes, quas cū probè omnes perlegissem,  
inter reliquas nullo modo contemnen-  
das, hanc omnibus non tam propter ve-  
tustatem, quàm gratā breuitatem præ-  
ferendam censui. Necessarium autē ve-  
hementer iudicamus, vt qui vota sua re-  
ligioni dare cupiunt, in ista necessaria  
S. S. Canonis cognitione sedulò versen-  
tur. Quare quotquot ad Ecclesiam aspi-  
rant fideliter commonemus, vt semoto  
rigidior censore, hæc & diligenter le-  
gant,

gāt, & pijs animis, vt Catholicè scripta complectantur. Futurum certè inde, vt non tam melior quàm nunc, sed planè beata quèdam facies Ecclesiæ elucescat. Tibi interim, vir eximie, cōsilio magno cōdicamus, vt cūm hactenus multis laboribus rē studiosorū iuueris, in posterum illis, qui sacræ militiæ stipendia sectantur, operam tuam non deneges.

Vale.

#### PRAEFATIO AVCTORIS.

**O** DO Cameracensis Ecclesiæ minister indignus, Vuilbodoñi dilecto filio suo, sub venerabili Abbate Hasligemensi Fulgentio, dominicis castris militanti, salutem. Præsumptionis argui timeo, quòd ausus sum rem difficilem contingere, & extendere conatus in alta profunditate, scilicet exponere Canonem altaris, & probare tanta mysteria, sicut scriptum est. Altiora te ne quæsieris, & fortiora te ne scrutatus fueris. Sed quomodocūq; me iudicent alij, tu scis Frater, quanta precū instantia me vicisti, vt tantum onus sustollerē, magis credens adiuuari deuotione & precibus tuis, quàm mea virtute. Impium enim

F erat

## CANON. EXPOS.

erat tanto desyderio non acquiescere, etiam si vires excedat: & iudicaui magis sub fasce ruédum, quàm tibi omnino contradicendū. Itaque confisus in Dei auxilio, & tuis precibus, tibi cœpi præsens apud te: & absens perfecti sine te. Oro autem vt Textus cuiusque capituli præscribatur expositioni totius, ne citò præsumantur additiones, vel detractiones vel mutationes in sacro

Canone, quod nephas ducimus fieri, sine Romano Pontifice.

## TEXTVS CANONIS, Distinctio prima.

**T**E igitur clementissime Pater, per Iesum Christum filium tuum Dominum nostrum supplices rogamus ac petimus, vti accepta habeas & benedicas hæc dona, hæc munera, hæc sancta sacrificia illibata. In primis quæ tibi offerimus pro Ecclesia tua sancta Catholica, quam pacificare, custodire, adunare, & regere digneris, toto orbe terrarum, vnà cum famulo tuo Papa nostro N. & Antistite nostro N. & Rege nostro N. & omnibus



bus orthodoxis, atque Catholicæ & Apostolicæ fidei cultoribus.

DOMINI ODonis

Expositio.

**Q**uia dignum & iustum est, nos tibi agere gratias, te igitur clementissime Pater rogamus, ut à nobis sacrificium accipias. Et quia nostras voces supplici confessione admittis, te igitur clementissime Pater per Iesum Christum filium tuum supplices rogamus, à te tale sacrificium acceptari, ut laudes vocum substantiale sequatur sacrificium. (Rogamus & petimus) Rogatio ostendit humilitatem, petitio confidentiam. Qui aliquid implorat, humilitatem debet ostendere, & de impetratione confidere.

Itaque supplices rogamus: confidenter petimus. Vnde scriptum est: Petat à Domino nihil hæsitans. Qui enim hæsitat, similis est fluctui maris. Et iterum, Quicquid credentes petieritis, accipietis (Vti accepta, habeas & benedicas.) Accepta, id est, grata & placida. Accepta, habeas culpis nostris data venia, non offensum, imò nostra deuotione placatus (Et benedicas) multiplicando gratiã, augendo dignitatẽ, imo con

Iacob .i.  
Ma.ii.

Iacob .i.

## CANON. EXPOS.

uertendo in excellentissimam immortalitatis & incorruptionis naturam. (Hæc dona) Hæc dona, quæ tibi donamus, vt tibi maneant, per tuam benedictionem firmata. Hæc dona quæ tibi donamus, vt apud te consistât per tuam benedictionē incorrupta. Hæc dona, quæ tibi donamus, vt fiant tibi Deo accepta. Siquidem Verbum caro factum est. (Hæc munera) Solemus illos munerare, à quibus a  
**Ioann. i.** liquid molimur obtinere. Hæc munera, quibus te in pane terreno muneramus, vt obtineamus eum cælestem. Hæc munera, quibus in corporali cibo te muneramus, vt alimentum inde spirituale consequamur. Hæc munera, quibus te muneramus in substantia panis & vini, vt percipiamus inde corpus & sanguinem Christi. (Hæc sancta sacrificia illibata) Sancta, quia Deo oblata. Illibata, quia adhuc integra & intacta. Neque enim contingi debent, donec sumpserint vim spiritualem, & conuersa fuerint in Christi corpus & sanguinem. Nam prius sumpta, corpus tantum pascerebant. Vnde quidā superioribus adiungunt quod sequitur, sic distinguendo: Illibata in primis, id est, intacta primùm quousque diuina benedictione munita, ad salutem sumantur animæ & corporis. Et hoc verbo admonemur,

nemur, vt appositus panis integer sit, & nulla fractione vel læsura violatus. (In primis que tibi offerimus pro Ecclesia tua sancta catholica.) In primis, quod superioribus iungitur secundum prædictum sensum, iungitur etiã inferioribus, significando quòd offeramus hostiam, primùm pro tota Ecclesia, deinde, p alijs que sequuntur. (Quam pacificare) ab hostibus visibilibus & inuisibilibus, vt nec hominum persecutionibus conculcetur, nec instinctu dæmonũ, criminibus polluat. (Custodire) in ipsa pace. (Adunare.) Ne schismatibus vllis & hæresibus diuidatur, sed in vnitate sacramentorum Catholicæ fidei, in omnibus tota adunetur Ecclesia. (Et regere digneris toto orbeterrarum) vt in suis consilijs, dispositionibus, iudicijs, decretis, institutis, actionibus, nullo decipiatur errore, & in omnibus tuo ducatur moderamine. (Vnà cū famulo tuo Papa nostro, & Antistite nostro, & Rege nostro, & omnibus Orthodoxis, atque Catholicæ & Apostolicæ fidei cultoribus.) De toto descenditur ad partes. Vt cū in primis pro tota Ecclesia oratio fieret, postea de singulis solliciti simus. Alio nanque tota Ecclesia eget regimine, alio singulæ Ecclesiæ, & alio singuli homines. Alia cura rebus est ex-

## CANON. EXPOS.

hibenda publicis, alia priuatis. In tribus autem personis pro quibus orandum proposuit, hoc obseruandum videtur, vt pro Papa vero & Antistite & Rege, orent reliqui Presbyteri. Orthodoxis, id est, vita & doctrina gloriosis, quorum fama dilatatur in populo merito vitæ & doctrinæ. (Fidei cultoribus) non fidem tantum habentibus. Aliud est enim fidem habere, & aliud fidem colere. Fidem colit, qui studet & intendit secundum fidem viuere, cum multi fidem habeant, qui hoc non faciant,

## TEXTVS CANONIS,

### Distinctio secunda.

**M**Emento Domine famulorum famularumque tuarum N. & omnium circumstantium, quorum tibi fides cognita est, & nota deuotio, pro quibus tibi offerimus, vel qui tibi offerunt hoc sacrificium laudis, pro se suisque omnibus, pro redemptione animarum suarum pro spe salutis & incolumitatis suæ, tibi que reddunt vota sua, æterno Deo uiuo & vero. Communicantes & memoriâ venerantes, in primis gloriosæ semper virginis Mariæ genetricis Dei & Domini nostri Iesu Christi.

Christi. Sed & beatorum Apostolorum ac Martyrum tuorum Petri & Pauli, Andrea, Iacobi, Ioannis, Thome, Iacobi, Philippi, Bartholomæi, Matthæi, Simonis & Thaddæi, Lini, Cleti, Clementis, Sixti, Cornelij, Cypriani, Laurentij, Chrysogoni, Ioannis & Pauli, Cosmæ & Damiani, & omnium sanctorum tuorum, quorum meritis precibusque concedas, ut in omnibus protectionis tuæ muniamur auxilio: Pereundem Christum Dominum nostrum, Amen.

Hanc igitur oblationem seruitutis nostræ, sed & cunctæ familiæ tuæ, quæsumus Domine, ut placatus accipias, diesque nostros in tua pace disponas, atque ab æterna damnatione nos eripi, & in electorum tuorum iubeas grege numerari, Per Christum Dominum nostrum Amen.

DOMINI ODONIS  
Expositio.

**P**RIMA periodus hucusque protensa, p tota Ecclesia, omnibusque fidei cultoribus orat. Secunda, quæ hic incipit, p præsentibus se accingit, quæ sancti sacrificij sunt astipulatores & cooperatores. (Memeto Dñe famulorum fa-



## CANON. EXPOS.

mularumque tuarum, & omnium circumstā-  
 tium) id est, Memento quidem eorum, quos  
 suprà proposui, id est, omnium Catholicæ fi-  
 dei cultorum, tam masculorum quàm fœmi-  
 narum, & omnium circumstantiū, scilicet qui  
 corporaliter assunt, sanctorum cooperatores  
 mysteriorum. Neque enim tanta sufficio Sa-  
 cramenta conficere, nisi collectæ multitudi-  
 nis adiutus oratione, quam prius etiam sum  
 Sacerdos hortatus ad orationes, dicendo: Orate fra-  
 astātium tres. Et sicut prima periodus, à toto descen-  
 precibus dit ad partes, ita secunda hæc ab vniuersali p-  
 iuuatur, cedit ad particulare. Omnes verò circumstā-  
 tes particulariter sequuntur. Et ne præsentibus  
 intersint aliqui præuaricatores & vitiose  
 vitæ, subiungitur. (Quorum tibi fides cogni-  
 ta est) id est, qui probatæ fidei sunt & deposi-  
 tionis apud te. Cognoscere etenim Dei, ap-  
 probare est. Aliter (Memento Domini famu-  
 lorum famularumque tuarum) Et quia con-  
 sequens in quibusdam codicibus inuenitur.  
 N. litera, aliquorum fieri memoriam nomi-  
 natim significatur. Vnde quidam vsu tenent  
 hoc in loco memorandi quos chariores ha-  
 bent, consequenter subiungentes (& omniū  
 circumstantium) vt facta memoria charorum  
 absentium fiat & astantium. ( Et omnium  
cir:

circumstantiū.) Cum primitus Missæ sine Col-  
lecta non fierent, postea mos inoleuit Eccle-  
siæ, solitarias & maximè in cœnobijs fieri Mis-  
sas. Et cùm non habeant quem pluraliter col-  
lecta salutent, nec plurales mutare possunt  
salutationes, conuertunt se ad Ecclesiam, di-  
centes se Ecclesiam in Ecclesia salutare, & in  
corpore totum corpus alloqui, & virtute to-  
tius communionis in Ecclesia confici sancta  
mysteria per gratiam Dei, necesse quinquã  
alicubi fidelium, qui viuificorum non fiat  
particeps Sacramentorum, dum in corpore  
Ecclesiæ adhæret capiti, velut vtile membrū.  
Secundum quẽ sensum in hoc loco circum-  
astantes accipiuntur omnes vbiq; fideles, qui  
in vnitatem vnius corporis, & sibi adherent in  
vicem & summo capiti, vt quicquid boni fi-  
et in toto corpore, ab eo nullo modo sit alie-  
nus, quisquis ab ipso corpore non est diuisus,  
sed omne bonum cuilibet membro in salu-  
brem succum ministretur; vt totum corpus  
vegetetur à spiritu Dei. Et hoc modo repeti-  
tur oratio, quæ prius facta est pro omnibus  
Catholicæ fidei cultoribus à solitarijs, dicen-  
tibus frequenter iterandas orationes, vt sal-  
tem importunitate vincatur Deus. (Quorum  
tibi fides cognita est) id est, Ideo Domine

Nota at-  
tentè.

Qui debe-  
ant in  
missa pri-  
uata  
circum-  
stantes in-  
telligi.

## CANON. EXPOS.

*Offert cū  
sacerdo-  
te & po-  
puli de-  
uotio.*

 memento omnium circumstantium, omni-  
 um scilicet fidelium, quia eorum tibi fides  
 cognita est, & nota deuotio. Sic solitarij hūc  
 locum intelligunt. (Pro quibus tibi offeri-  
 mus, vel qui tibi offerunt.) Non solum Sacer-  
 dotes & Clerus (qui secundum diuersos gra-  
 dus diuinis occupantur officijs) offerunt, sed  
 etiam audientes qui votis & orationibus assi-  
 stunt cooperantes, & osculo pacis communi-  
 cant, tanquam confirmantes quod actum est.  
 (Hoc sacrificium laudis.) Verè laudis est diui-  
 næ hoc sacrificium, sicut in hoc officio testa-  
 ti sumus, dignum & iustum est, æquum & sa-  
 lutare, Deo Patri gratias agere, & cum laudi-  
 bus Angelicis precati sumus nostras voces  
 admitti (Pro se suisque omnibus) Pro no-  
 bis offerimus quando sacrificio poscimus De-  
 um habere, & tutorem contra pericula corpo-  
 ris & animæ, & propitium ad obtinendos suc-  
 cessus bonos in vtraque parte. Pro nostris  
 omnibus, quando oramus pro amicis nostris  
 & rebus. Supplicamus enim pro pace amico-  
 rum, quando sunt in bello: pro tranquillo re-  
 ditu, si sint in itinere: pro sanitate, si in infir-  
 mitate decumbunt: pro conuersione, si  
 peruersè viuunt: & contra amicorum in-  
 commoditates, vt adiuuante Deo euadant.

Pro

Pro rebus nostris frequentes in libris Missa-  
libus inuenimus postulationes. Oramus e-  
nim tempore sacrificij contra incendia, pro  
locis nostris: contra nimiam aëris siccita-  
tatem, vel tempestatem, pro fructibus no-  
stris: contra pestem pro animalibus nostris,  
contra alia damna pro rebus alijs. Habemus  
enim secundum Apostolum, in Christo con-  
solationem præsentis vitæ & futuræ. (Pro 1. Tit., 4.  
redemptione animarum suarum.) Hoc enim  
solum sacrificium quo redimi potuimus, cu-  
ius bonum sufficit contra nostrum malum,  
quod magis est bonum quàm peccatum no-  
strum sit malum, & ideo maiori precio rede-  
mit nos à nostro malo, pro spe salutis & inco-  
lunitatis sue. Hoc sacrosanctum sacrificium,  
non solum liberat nos à malis, sed etiam ac-  
cumulat nos bonis: non solum nos eripit à  
pœnis, sed etiam auget gaudia salutis & inco-  
lunitatis. Salutis (inquam) æternæ: ani-  
marum incolumitatis, id est, incorruptio-  
nis perpetuæ corporum: & hoc est pro quo  
offerimus tam preciosum munus. ( Tibi-  
que reddunt vota sua, ) Offerendo sacri-  
ficiū laudis, reddunt tibi vota sua. Ali-  
ter forsitan vota sua non redderent, ni-  
si ta-

## CANON. EXPOS.

si tale sacrificium offerrent. Adiuuantur sacrificij virtute, vt vota queant reddere. Difficile est comprimere vitia, virtutes in habitum trahere. Sed & vt vota queant reddere sancti, à DEO necesse habent roborari. (Aeterno Deo viuo & vero.) Ad differentiam falsorū Deorum & insensibilium, quibus gentes frustra soluebant (Communicantes) tibi offerunt sacrificium laudis, tibi que reddunt vota sua communicantes. Extra communionē nanque non est locus offerendi Deo veri sacrificij, vel vota soluendi. (Et memoriam venerantes.) Aliter Deo gratum non offerimus sacrificium, aliter Deo vtiliter vota non solvimus, nisi memoriam sanctorum veneremur. Qui enim membra Christi non honorat, nec Christum qui caput est, honorare potest. Et qui non honorat filium, non honorat eū qui misit illum. Honoremus ergo caput in membris, Deum in Sanctis suis, vt eorum meritis precibusque in omnibus protectionis diuinæ muniamur auxilio (In primis gloriosæ, &c.) Vsq̃ue (Muniamur auxilio per eundem Christū Dominum nostrum) In veneratione sanctorum hæc ratio custodienda est, vt primū & super omnes beata Dei genetrix honoretur : secundò Apostoli, tertio sancti  
Mar.

Nota 'de  
 sanctorū  
 venera-  
 tione.



Martyres: inde alij sancti omnes. (Hanc igitur oblationem) Quia hoc sacrificiū tibi offerimus in corpore Ecclesiæ communicando & memoriam sanctorum venerando: Igitur hanc oblationem precamur, vt placatus accipias, vt scilicet, si peccatis nostris præpedimur communione saltem sanctæ Ecclesiæ & sanctorum tuorum veneratione placeris, ad accipiendum quod tibi offerimus sacrificiū. (Seruitutis) id est, cleri, qui tibi secundum acceptos gradus in hac oblatione sacrificij seruimus. (Sed & cunctæ familiæ tuæ) id est, totius assistentis Collectæ. Solitarij sic intelligunt seruitutis nostræ, id est, me, cū meo ministro. (Sed & cunctæ familiæ tuæ) id est, cunctæ Ecclesiæ. (Quæsumus Domine, & ceterorum grege numerari per Christum Dominum nostrum. Diesque nostros in tua pace disponas.) Signāter, tua, posuit, Est enim pax mundi, est & pax Dei. Pax mundi inutilis, pax Dei salubris. Pacem constituit mundus, vt liberè liceat vti voluptatibus. Pacem dat sanctis Deus, vt mandatis intenti diuinis, securè studeant virtutibus.

Pax duplex.

TEX.

CANON. EXPOS.  
TEXTVS CANONIS,  
Distinctio tertia.

**Q**Vam oblationem tu Deus in omnibus  
quæsumus benedictam, ascriptam, ra-  
tā, rationabilem, acceptabilemque facere dig-  
neris: vt nobis corpus & sanguis fiat dilectissi-  
mi filij tui Domini nostri Iesu Christi. Qui  
pridie quàm pateretur accepit panem in san-  
ctas ac venerabiles manus suas, & eleuatis o-  
culis in cælum ad te Deum Patrem suum om-  
nipotentem, tibi gratias agens, benedixit, fre-  
git, dedit discipulis suis, dicens. Accipite &  
manducate ex hoc omnes. Hoc est enim cor-  
pus meum. Simili modo postea quàm cœna-  
tum est, accipiens & hunc præclarum cali-  
cem in sanctas ac venerabiles manus suas. Itē  
tibi gratias agens benedixit, deditque disci-  
pulis suis dicens: Accipite, & bibite ex eo om-  
nes. Hic est enim calix sanguinis mei, noui  
& æterni Testamenti mysterium fidei, qui  
pro vobis & pro multis effundetur in remis-  
sionem peccatorum. Hæc quotiescunque  
feceritis, in mei memoriam facietis. Vnde &  
memores Domine nos serui tui, sed & plebs  
tua sancta, Christi filij tui Domini nostri, tam  
beatæ passionis, nec non & ab inferis resurre-  
ctionis,

etionis, sed & in cælos gloriosæ ascensionis,  
offerimus præclaræ maiestati tuæ de tuis do-  
nis ac datis hostiam puram, hostiam sanctam,  
hostiam immaculatam, panem sanctum vitæ  
æternæ, & calicem salutis perpetuæ. Supra q̃  
ppitio ac sereno vultu respicere digneris, &  
accepta habere sicuti accepta habere dignat⁹  
es munera pueri tui iusti Abel, & sacrificiū  
Patriarchę nostri Abraham, & q̃ tibi obtulit  
summus Sacerdos tuus Melchisedech, sanctū  
sacrificiū, immaculatā hostiā. Supplices te ro-  
gamus omnipotens Deus iube hæc perferri  
per manus sancti Angeli tui in sublime alta-  
re tuum, in conspectu diuinæ maiestatis tuæ:  
vt quotquot ex hac altaris participatione, sa-  
cro sanctum filij tui corpus & sanguinē sum-  
pserimus, omni benedictione cælesti & gra-  
tia repleamur, per eundem Christum Domi-  
num nostrum. Amen.

## EXPOSITIO

Domini Odo-  
nis.

**I**N superioribus periodis, prima scilicet  
& secunda, orauimus pro Ecclesia, pro  
fidei cultoribus, pro astante collecta.

Hæc

## CANON. EXPOS.

Hęc tertia periodus quam ingredimur, maxime occupatur circa sacrificium, vt fiat perfectum, & in aliam mutetur substantiam immortalẽ & incorruptam. (Quam oblationem, &c.) Vsq̃ue. (Acceptabilemque facere digneris.) In omnibus benedictam: benedictam gloria, vt gloriosa fiat: benedictam immortalitate, vt fiat immortalis: benedictam incorruptione, vt incorrupta fiat: benedictam diuinitate, vt Deus fiat. Transit ad partes à toto, vt vniuersalis benedictionis partes imprece- tur hostiæ, cui vniuersam benedictionem fuerat imprecatus, vt cum prius posuerit in omnibus benedictam, particulariter subiungat ascriptam, & ratam, & rationabilem, & acceptabilem, quæ sunt partes omnimodæ benedictionis. (Ascriptam). Scimus quia in Trinitate quæ Deus est, Filius sit splendor paternæ gloriæ, & figura substantiæ eius. Qui ergo figura & imago est Patris, Patrem imaginatur & effigurat, quasi sculptura quædam eius: vel scriptura in qua pater splendet, id est, bene apparet: vt rectè filius dicatur splendor eius. Est ergo pater insculptus atq; inscriptus filio, cuius figura filius est imago, vt filius sit eius scriptum, quem sibi habet inscriptum. Aliter filius dicitur scriptum, qui habet in se formam

Heb. i.

formam omnium rerum. Sic enim omnia creata sunt, vt diuini verbi formæ digesserunt, nec aliter in essentiam prodierunt, quàm in in verbo summo formæ dictauerunt. Non sunt ibi aliud formæ, aliud ipsum verbum, vbi nihil est aliud & aliud, sed omnia sunt idipsum, vt quàmuis formarum diuersitas intelligibiliter ibi subluceat, non sunt tamen omnia nisi vnum & idipsum verbum. Et quàmuis ibi est vera & perfecta vnitas, ibi tamen secundum creatas res quædam apparet diuersitas, sicut cū semel loquutus est Deus in Psal.<sup>16.</sup> mo, Propheta duo intelligit in vno verbo, vnde scriptum est. Quod factum est in ipso vita erat. Factum est de nihilo, erat tamen in verbo. Factum est realiter, erat æternaliter. Erat in summa arte, factum est in re. Viuebat in ratione artificis formaliter, factum est in realitate subsistendi substantialiter. De nihilo prodijt, vt substantialiter esset, quod factum est. In verbo viuebat, vt formaliter esset, antequàm substantialiter esset. Factum est multiplex, verbum est simplex. In verbo simplex erat, quod multipliciter factum est. Mirabiliter videtur in vno pluralitas, in simplici multiplicitas: videtur & non comprehenditur. Potest videri, nequit explicari, quomodo vnum verbū inscriptum



## CANON. EXPOS.

scriptum sit omnibus formis omnium rerū,  
 Psal. 44. sicut alibi scriptum est: Calamus scribæ velo-  
 citer scribentis. Pater est scriba, q̄ verbo suo  
 velociter inscribit omnia. Velociter scribit,  
 quia alterum non moratur pro altero. Velo-  
 citer scribit, quia sine mora, scribit omnia.  
 Est ergo filius Dei, verbum scriptum. Sed &  
 corpus assumptum, rectè dicitur scriptum.  
 Sicut enim vox transitoria scribitur, vt quæ  
 per se fugit, scripto permaneat: sic corrupti-  
 bile aliquid scribitur, cū incorruptum trā-  
 fit, vt quod corruptionis transitorium erat,  
 scripto incorruptionis permaneat. Sic ergo  
 corpus Christi quoddam scriptum est, quod  
 de passibili carne impassibile factū est in Re-  
 surrectione, & de Pane terreno quotidie fit  
 cælestis super Altare. Si ergo in Christo &  
 verbum dicitur scriptum, & corpus etiam ni-  
 hilominus dicitur scriptum. Quid autem est  
 ascriptum nisi scripto appositum scriptum?  
 Est ergo corpus Christi nō solum scriptum,  
 sed etiam ascriptum, id est, scripto appo-  
 situm scriptum, id est, verbo corpus adiu-  
 ctum. Quando igitur oramus hostiam fieri  
 hostiam ascriptam, quid aliud optamus, nisi vt quæ  
 fieri ascriptam adhuc est panis corruptibilis, fiat substātia in-  
 corrupta, id est, de voce fiat scriptū: scripto,  
 id est,

id est, verbo adiunctum. Fac ergo Domine nostram oblationem ascriptam, id est, scriptum scripto adiunctum, ut preciosum Christi corpus fiat, verbo Dei adunata, & in unitate personæ coniuncta (Ratam,) Ratum dicimus, quod certum & fixum habemus. Fiat ergo rata, id est, non remaneat instabilis & mutanda corruptione, sed permanens & fixa fiat incorruptione, & ideo certa. (Rationabilem) Sanguis taurorum aut vitulorum non sufficit expurgare nos à peccatis. Minor est enim ad hominem, Pro homine ergo rationali, rationalis hostia sufficit sola. Fiat ergo nostra hostia rationalis, siquidem homo assumptus à verbo, ex anima rationali & humana carne subsistit. Fiat hostia nostra rationalis, ut hominem verum pro hominibus offeramus & in hostia rationali Deus propitietur hominibus. Fiat rationalis, ut offeramus rationabiliter. Nam qui offert emundari non studens, offert irrationabiliter. Qui offert habens cor impoenitens, irrationabiliter offert sicut Cain, rectè quidè offerens, sed nò rectè diuidens. Rectè quid obtulit Deo, sed non rectè diuisit, quia emèdari nò studuit. Vnde scriptum Gen. 4. est: Ad Cain & ad munera eius non respexit. Nā què Deus nò nouit, nec oblationè eius re-

Heb. 10.

Gen. 4.

## CANON. EXPOS.

Pro. 58.

capit. Pessimam namq; hostia irrationabilis est, sicut scriptum est, Qui non audit legem, oratio eius erit execrabilis. Fiat ergo rationabilis hostia, ut rationabiliter eam cum timore & poenitentia offeramus. Vel fiat rationabilis hostia, id est, pro rationabili & recta vel honesta causa. Si quis enim offerat, ut quæ furto ablata sunt reinuenire, seu hostem occidere, vel rapinam perpetrare, seu nummos ac gratiam acquirere valeat, irrationabilis non dicitur offerendi causa ideo nec acceptabilis est talis hostia. Hostia ergo nostra & merito offerentium, & offerendi causa, fiat rationabilis, ut consequenter fiat etiam acceptabilis.

i. Ioa. 4.

(Acceptabilem.) Non potest non esse acceptabilis, quæ superiores tres species recipit omnimodæ benedictionis. Non potest Deus odisse Deus. Sed quia charitas est Deus, diligit Deum Deus, & acceptabilis est Deo hostia quæ Deus est. Quid ergo oramus fieri acceptabilem, quæ non potest displicere? Nam quæ acceptabilis est per se, displicet pro offerente. Pro offerente respuitur, quæ quantum sua refert acceptatur. Acceptatur pro sanctis, non acceptatur eadem ipsa pro impijs. Pios adiuuat, impios damnat. Pijs prodest ad salutem, nocet impijs ad damnationem. (Ut nobis

bis corpus & sanguis fiat dilectissimi filij tui Domini nostri Iesu Christi.) Posuerat ergo in omnibus benedictam, subiunxit quatuor species, Affcriptam, Ratam, Rationabilem, Acceptabilem. Sed hæc omnia clausa erant, minùs intelligebantur, minùs patebant: aperuit ostium, patefacit totum, scilicet vt nobis fiat corpus & sanguis Christi. Hic totum completur, hic totum perficitur, vt fiat corpus & sanguis Christi tantùm. Solum Christi corpus & sanguis, est hostia in omnibus benedicta, affcripta, rata, rationabilis acceptabilisque. (Vt nobis corpus & sanguis fiat.) Signâter posuit nobis, id est, catholicę fidei cultoribus. Nobis excludit Paganos, excludit Iudæos, excludit hæreticos. Nobis communicantibus, memoriam sanctorum venerantibus. Non est enim locus veri sacrificij extra catholicam Ecclesiam (Qui pridie quàm pateretur, vsq; manus suas). Accepit panem, adhuc panem, nondum carnem. (Et eleuatis oculis in cælum, ad te Deum patrem omnipotentem, tibi gratias agēs, benedixit). Benedixit, suũ corpus fecit. Qui prius erat panis, benedictione factus est caro. Modò caro, iam non panis. (Ac fregit) O miraculum, frangebatur inter digitos, sedens incolumis inter discipulos erat integer, & diui

Nota.

## CANON. EXPOS.

debatur in partes, in manibus tenebat seipsum, & de manibus discipulis se porrigebat edendum. Hoc signabat Dauid, qui secundam aliam translationem coram Achis rege se in  
 1. Reg. 21. suis manibus ferebat. Sic nos quotidie Christum in altari consumimus, & permanet: manducamus & vivit: atterimus dentibus, & integer est. Et miro modo consumitur permanens atteritur incorruptus, distribuitur indiuisus, sicut post resurrectionem palpandum præbuit spirituale corpus. Cum simili contrarietate, non sit palpabile quod spirituale est, nec sit spirituale quod sit palpabile. In specie enim & sapore panis, & vini manducamus & bibimus ipsam substantiam corporis & sanguinis sub iisdem qualitatibus mutata substantia: ut sub figura & sapore substantiæ prioris, facta sit vera substantia Christi corporis & sanguinis. (Dedit discipulis, &c. Ecce corpus meum). Patet quod panis accepta benedictione factus sit corpus Christi. Non enim post benedictionem dixisset, Hoc est corpus meum, nisi in benedictione fieret corpus suum. (Simili modo postea quam cœnatum est accipiens & hunc præclarum calicem. ) Si Christus accepit calicem cœnæ, dicitur hunc accepisse, Vnus ergo calix est hic & ille. Nisi enim vnus

Vnus idē  
 q; calix  
 est, quem  
 Christus



nus sit, dici non potest in illo hunc accepisse. <sup>consecra</sup>  
 Est ergo vnus etiam quando in altari mani- <sup>uit &</sup>  
 bus accipitur vt benedicatur, & nec dum san- <sup>quē Ec-</sup>  
 guis est, sed, est adhuc vinum, propter vnita- <sup>clesia.</sup>  
 tem fidei, & illius cui, & in cuius honore fi-  
 deliter offertur, Ea enim fide quotidie acci-  
 pitur benedicendus, vt modò fiat, quod tunc  
 futurus erat. Et quia hæc fides vna est in tota  
 Ecclesia, & ille vnus cui tunc & modò offer-  
 tur: ideo & calix cū accipitur, etiam ante di-  
 uina verba est vnus, sicut & omnium Ecclesia-  
 rum altare dicitur vnum, quia in eo secundū  
 vnam fidem, vnum Dominici corporis offer-  
 tur quotidie sacrificium. (Præclarum) Præcla-  
 rum dicit calicem adhuc vini, vsque dum sta-  
 tim fiat præclarus, quando sanguis erit, sicut  
 scriptum est: Calix meus inebrians quā præ-  
 clarus est. Vel ad comparisonem eius quem  
 obtulit Melchisedech, & cæterorum veteris  
 Testamenti. Vel propter præclaram illius Ma-  
 iestatem, cui offertur. Vnde & in sequentibus  
 dicit: Offerimus præclarę Maiestati tuę. (Ca-  
 licē) Metaphoricè id q̄ continet, p̄ eo q̄ cōti-  
 net, id est, vas p̄ liquore vini & aque (In san-  
 ctas, & c. vsq; (Benedixit) id est, sanguinē suū  
 fecit. (Dedit discipulis, & c. vsq; (Sanguinis  
 mei) Intransitiuè dictū est, & est secūdu figu-  
 ram

Psal. 22.

## CANON. EXPOS.

ram casus pro casu. Calix sanguinis mei, ac si diceret, Calix, scilicet, Sanguis meus. Similiter hic pater quod benedictione fuerit factus sanguis. Ad benedictionem enim præmissam subdit. Hic est Calix sanguinis mei. (Noui & æterni testamenti) Nouum enim Euangelij testamentum, in æternum confirmauit sanguine mortis suæ. Sic Abraham oblatis ouibus & bobus, cum Abimelech & Phicol principe militiæ percussit fœdus, id est, oues & boues percussit in fœdus, ut sanguine animalium & morte fœdus confirmaretur. Et Iacob fugiens in Galaad, facto iuramento cum auunculo suo Laban, immolauit victimas, ut sanguine victimarum fœdus iuramenti confirmaretur. Et Moyses ut confirmaret testamentum, quod accepit in Synai, victimæ sanguinem asperxit hissopo, in totum populum, & tabernaculum. (Mysterium fidei). Pertinet ad fidem catholicam, credere post benedictionem esse verum sanguinem, ut infidelis sit, qui hoc non crediderit. Item dicitur mysterium, quod sensibilibus tegitur occultum, sicut veritas sanguinis in sapore vini latet & specie. Calix ergo altaris est mysterium fidei quia sub figura & sapore vini occultus creditur verus sanguis. Est mysterium

um fidei, quia quod creditur, sensibilibus quibusdam obtegitur. Nam verus sanguis creditur, quod vinum visu sentitur & gustu. Est fidei mysterium, quia quod fides credit, intus est occultum. Intus est verus sanguis, vera fides, exterius est falsum vinum, vera species. Sentitur vinum, & non est. Non apparet sanguis, & est. Sensus decipitur qualitate, certa tenetur fides rei veritate. Ideoque sanguis dicitur fidei mysterium, quia sanguinem fides credit intus occultum. Apertum est quod sentitur, occultum est quod creditur. Et si quid occultum est, fidei est: sicuti quod patet, est sensus. Est ergo sanguis mysterium fidei, siquidem occultus pertinet ad fidem. (Qui pro vobis & pro multis effundetur in remissionem peccatorum) Pro vobis, scilicet presentibus, (pro multis.) Paganos & Indæos discernit, & falsos Christianos. (Hæc quotiescunque feceritis, in mei memoriam facietis.) Nam sine hac memoria, non conficimus dominici corporis & sanguinis sacramenta. Tolle verba Christi, non fiunt sacramenta Christi. Vis fieri Christi corpus & sanguinem? appone Christi sermonem. Facit sermo veritatis quod dicit, quia ipse dixit & facta sunt, ipse mandavit & creata sunt. Sine dubio fit increatura, quod Chri-

Mysteriū  
fidei est  
calix san-  
guinis  
Christi.

Psal. 28.  
Sap. 18.  
1. Co  
r. 11.

G S C H R I

## CANON. EXPOS.

sti sermo dicit de creatura. Est enim omnipo-  
 tens sermo tuus ô Genitor .Fit ergo sermo:  
 ne Christi, corpus & sanguis Christi, quæ  
 quoties verbo potenti suminus, mortem Do-  
 mini donec veniat memoramus . Et ne sub  
 his mysterijs hæc memoria refugiat à nobis,  
 subiūgit. (Vnde & memores Dñi nos serui  
 tui).i. qui secundū cleri gradus acceptos, of-  
 ficio huius sacrificij deseruimus, vel (secun-  
 dum solitarios) hic in præsentī ministramus.  
 (Sed & plebs tua sancta) quæ pro veneratiōe  
 huius sacrificij, hic est in præsentī deuotè col-  
 lecta: vel secundum solitarios, in vnitāte Ec-  
 clesiæ fideliter vbiq; viuentiū. (Eiusdē Chri-  
 sti filij, &c. vsq; Donis ac datis). Donum est  
 addendum, etiam si non detur paratum. Do-  
 num est quod dari potest. Datum verò quod  
 in alterius possessionem est iam translātum,  
 quod de possibilitate iam prodijt ad actum,  
 quod iam possidetur. Corpus ergo & Sāguis  
 Christi, sunt dona à Deo nobis parata. Do-  
 na sunt quæ vtiliter dari possunt . Dona  
 sunt vera, sed in cœlo collocata in Christo.  
 Data verò, quādo sunt nobis de creatura pa-  
 nis & vini : Data, quando suminus in altari.  
 quando reficimur inde sensualiter . Dona  
 in cœlo, data in terra . Dona apud Deum in  
 Christo, data super altare in sacramento, Do-

Corpus  
 & san-  
 guis  
 Christi  
 sunt do-  
 na &  
 data.

na in cœlo nuda, & aperta, data in altari, testa  
 sensibilibus & occulta: tamen hic & ibi, ea-  
 dem vera. (Hostiam puram.) Antea veteris <sup>Christi</sup> le  
 gis hostiæ de irrationabilib. animalibus car- <sup>caro spi-</sup>  
 nales erāt, squaloribus spurcitæ carnalibus, ritualis  
 nidoribusq; plenæ, & dentium contritione <sup>est non</sup>  
 in fæces & stercora redactæ. Hæc autem ho- <sup>corpora-</sup>  
 stia pura est, quia quàmuis caro vera sit & san- <sup>lis ho-</sup>  
 guis, tamen spiritualis est & incorrupta. Di- <sup>stia.</sup>  
 uiditur, & consumi non potest. Consumitur  
 & incorrupta manet. Teritur, & est illæsa.  
 Frangitur, & integra est; Hæc hostia caro est,  
 & nō carnalis, sed incontaminata lux: & ideo  
 pura. Corpus est, & non corporalis, sed spiri-  
 tuale lumen, & ideo pura. Pura mundans, pu-  
 ra purificans, pura, quia diuina, purior luce  
 corporea. (Hostiam sanctam.) Hostiæ veteres  
 erant quidem sanctæ, sed non per se sanctæ:  
 sed quia typum gērebant huius hostiæ sacra-  
 tæ. Illæ imperfectæ erant, & ideo minùs san-  
 ctæ: ista perfectæ: & ideo plenè sancta. Illæ di-  
 mittebant peccata vnius: ista tollit peccata  
 totius mundi. In illis tantum remissio, in hac  
 autem est precium plenum, & perfectæ re-  
 demptio: Illæ impetrabant veniam debiti si-  
 ne solutione, hæc reddit debitū plena recōpē-  
 satione. Ideo hæc plenè & pfectè facta, illæ san-  
 ctæ,



## CANON. EXPOS.

Matt. 1.

Luc. 1.

Etæ, sed minus, & imperfectæ. (Hostiam immaculatam, Id est, sine omni macula culpæ, utpote concepta & nata sine peccato, & deinde sine culpa vixit in mundo, ideo immaculata. Nata quidem est de humana carne, sed sine conditione propagationis humanæ, ideo immaculata. Est sine viro de sancta virgine concepta, ideo immaculata. Est concepta sine humano opere, sola virtute diuina, ideo immaculata. Non enim potest initiū habere culpabile opus, quod solus Deus fecit & nō alius, ideo immaculata. Hominis enim initiū qui sine humana administratione solo Deo auctore creatus est (quāuis de massa peccatrice) non possumus culpāre, nisi Deo peccatum velimus ascribere, ideo immaculata. Tamen de pura ab omni peccato virgine creditur cōceptus & natus: ideo immaculata. Ex quo enim angelicam salutationem audiuit, Gratia plena, creditur purificata fide, etiam reliquū vitæ, custode Spiritu sancto vixisse sine omni culpa. Ab immaculata ergo sūpta est hęc hostia, ideo & ipsa immaculata. Ex hoc loco admonemur, quod panis appositus altari debet esse candidissimus, & in quo nulla possit inspicī macula: ut hoc appareat in figura, quod prædicatur de substantia, ut pura & immaculata

lata videatur exteriùs figura, cuius substantia dicitur interius pura & immaculata. (Panem vitæ æternæ.) Cùm panem audis, ne putes esse qui fuerat ante benedictionem, ne decipiaris mutata substantia. Prius erat panis, modò non est panis, sed sola caro. Sed panem dixit, quasi diceret cibum, sicut scriptum est. Ioann. 6.  
 Ego sum panis viuus. Et panem angelorum Psal. 77.  
 manducauit homo. Quomodo est panis vitæ Galat. 9.  
 æternæ qui sumitur à multis ad damnatione?  
 Huius panis virtus fides est, quæ per dilectionem operatur. Est enim & panis mysteriũ fidei, sicut de calice dictum est. Sumptus ergo sine fide, non proficit. Nam si hic panis est mysterium fidei, id est, occultum quod sola cernitur fide, quid prodest sine fide sumi, & sine fide non cernitur? Oculum perdidisti, quid cæco profunt in arca diuitiæ? Quid prodest diuitias humanæ redemptionis in te recondere, quas non vides oculo fidei perditio?  
 Vnde scriptum est: Qui manducat & bibit I. Cor. II.  
 corpus & sanguinem Domini indignè, iudicium sibi manducat, & bibit. Nam ille māducat indignè, & māducat sine fide, quæ per dilectionem operatur. Est ergo hic panis vitæ æternæ, non ijs quidem qui tantùm ore sumunt, sed ijs qui etiam mente: non qui pre-

munt

# CANON. EXPOS.

Ioan. 20. munt dente, sed qui tangunt fide. Vnde scriptum est. Noli me tangere, nondū enim ascēdi ad Patrem meum. Ac si diceret. Vis me manibus tangere? vis me corporaliter tangere? non sic, fidem tuam volo. Fide me tāge, crede ad patrem me ascendisse, id est, me esse æqualem patri. (Et calicē salutis perpetuæ.) Quod diximus de pane, idem potest dici de calice, & quod dictum est vitæ æternæ, & salutis perpetuæ. (Supra quæ) &c. vsque immaculatā hostiam.) Finis respicit ad principium. Supra quod scilicet sanctum sacrificium, immaculatā hostiam respicere digneris & accepta habere, ac si diceret: Supra quæ respicias & accepta habearis. ideo quia sanctum sacrificium sunt & immaculata hostia: vt qui de merito nostro diffidimus, maiestate tanti sacrificij adiuuemur. Cur autem oramus patrem propitium, & serenum esse super hostiam, & eam acceptā habere, qui nihil habet acceptius, & qui semper propitius & serenus respicit? Inde enim scriptum est: Hic est filius meus dilectus, in quo mihi bene complacui. Sed ad offerentes est hoc referendum, vt qui pro peccatis terreni & de se diffidunt, hostiam acceptabilem sibi prætendant, vt eius scuto se protegentes, sub ea propiciū sibi patrem serenumque deprecant,

Matt. 5.

cant, & ei se acceptos desyderent, sub ea quā  
nunquam non acceptabilem dubitant; vt dū  
patri per seipfos non audent offerre (ne ma-  
gis irritent ) dilectum filium proponant, vt  
fubeant, & sub eius tutelam ante conspectū  
Patris intro eant. Oramus ergo, vt acceptabi-  
lis hæc hostia sit, placeat que pro nobis: vt cū  
offerimus quod placet, placetur nobis Deus,  
vnde & exempla sanctorū adhibentur, Abel  
iusti, Patriarchæ Abrahamæ, summī sacerdotis  
Melchisedech, vt sicut eorum sacrificia Deus  
acceptauit eis propitiando, ita suscipiat ho-  
stiam hanc, nostri miserando. Melchisedech  
sacerdos summus dicitur, qui inter sacerdo-  
tes illius temporis habebatur. (Supplices te  
rogamus) &c. vsque (Diuinæ maiestati tuæ)  
Et hic mirum est, quomodo oramus corpus  
& sanguinem domini in conspectu Dei per-  
ferri, cū scriptum sit: quia Christus semper  
assistit vultui patris, interpellans Deum pro  
nobis, & legimus: quia Christus ascendens ad  
cælum super omnia exaltatus est, sedens ad  
dexteram patris. Quomodo ergo perfer-  
ri oramus Christum, vbi semper est?  
Sed superius vultum patris propiciū ac  
ferenum fieri super hostiam filij rogaba-  
mus, non quòd filio suo pater possit esse  
seuerus,

## CANON. EXPOS.

feuerus, sed vt sub occasione filij, patris propitiati oni nos ingereremus : vt pro amore filij misereatur nostri, & quasi filium parui pendat, si pro eo nos non recipiat. Ita & hic rogamus patri perferri filium, qui semper est apud eum pro nobis, vt votum & deuotio nostra, per filium veniat ad Patrem, & virtute tanti sacrificij vota nostra perferantur ante conspectum Dei, quasi filius ad Patrem non ascendat, si deuotio nostra illuc non perueniat. Tali ratione rogamus, vt sicut Christus ante discipulos à terra translatus est in cælum, & factus inuisibilis in conspectu ipsius, postea missus sancti Spiritus donum: ita hostia hæc ab altari terreno, super quod immolatur, in altare sublime ante conspectum Dei transferatur, vt inde omni benedictione cælesti & gratia repleamur: vt quæ visibiliter tractatur in terra, inuisibiliter operetur in cælo. Hic oblata, ibi accepta: non mutatione loci vel temporis accessu, vt cœptus ab hoc loco translationis motus, ad alium postea perficiatur locum. Sed sub eodem loco qui prius erat, sit verbi caro. Non transferaur loco, vt de pane fiat caro: transfertur tamen ab altari ad cælum, quia transfertur de pane ad DEVM. Sed quia Deus est vbique, non fit loci mutatione, vt coniunga-

Qua ratione petimus altaris sacrificium perferri ante conspectum diuinæ maiestatis.



iungatur Deo de pane facta caro. Transfer-  
 tur intus ad Deum inuisibiliter, nec mouet  
 exteriùs ab altari visibiliter: oblata in altari  
 deuotione hominis, accepta in cælo propitia  
 tione Dei. Tunc enim à Deo quasi accepta-  
 tur, quando Deus nobis propitiatur, & cæle-  
 stis benedictio nobis ab eo mittitur. Sed  
 Christus iuamine non eguit angelorum,  
 quando sua virtute ascendit in cælum. Quid  
 ergo rogamus hanc hostiam perferri per ma-  
 nus angeli ante conspectum Dei, cùm ange-  
 lorum officia necessaria non sint huic perla-  
 tioni? Sed hoc est quod dictum est, quia per  
 lationi corporis & sanguinis Christi roga-  
 mus vota nostra perferri. Sunt tamen nobis  
 angeli deputati, qui offerunt quotidie Deo  
 vota nostra. Vnde scriptum est: Quia angeli  
 eorum semper vident faciem Patris. Oramus  
 itaque sub occasione Christi: perferri vota  
 nostra per manus angeli, vt vota bona perfe-  
 rant boni angeli, sub prætextu tanti sacrifi-  
 cij. (Supplices te rogamus omnipotens De-  
 us) Supplicamus tibi, curuamur ante te, ob-  
 noxius deprecamur: ostende omnipoten-  
 tiam, extende manum validam: vt quæ pro-  
 picio ac sereno vultu respicis; etiam ad in-  
 uisibilia & sublimia tua perferantur, & con-

Qua ratio-  
 ne peti-  
 mus per  
 manus  
 angelorū  
 perferri  
 sacrificiū  
 nostrum

H Ipectui

## CANON. EXPOS.

specuui maiestatis admittas. Hic necessitas incuruationis, hic opus supplicationis, hic incumbit consummatio totius nostri laboris, vt hæc hostia perferatur in sublime altare tuum, in cōspectu diuinæ maiestatis tuæ. Quid est hoc? Quid est perferri hostiam in sublime altare, nisi ouem humeris pastoris imponi?

Mat. 17.

Et quid est ouis humeris imposita, nisi homo assumptus à verbo? Et quid est sublimius verbo Dei? Quotidie assumunt sibi fideles verbum Dei, participatione huius sacrificij. Verbū ergo Dei sublime altare est, ad quod oramus hostiam perferri in conspectu Dei, & per eam nos introduci. Conspectus Dei est verbum patris, in quo conspicit omne quod fecit. Nam omne quod agit pater, in verbo eius est. Nam quod factū est in ipso, vita erat.

Ioan. 1.

Et: In principio creauit Deus cælum & terrā, id est, in verbo. Et: Verbo Domini cæli firmati sunt. Et omnia in sapientia fecisti. Quid rectius dicitur conspectus Dei, quàm sapientia sua, in qua conspicit omne quod agit? Hostiam ergo perferri in sublime altare, in conspectu Dei, quid est nisi oblationem nostram cōiungi verbo, vniri verbo, fieri Deum, & per eam nos in Deum assumi, & vota nostra acceptari? (Vt quotquot ex hac, &c. Vsq; & gratia replea

repleamur. Per eundem Christum Dominū nostrum. Amen.) Habet Ecclesia altare visibile in terra, est & altare inuisibile in cælo a- Duplex  
 pud Deum. Hostia quam in hoc altari DEO altare ha  
 offerimus, Deo coniungitur, & sit Deus. In bet Ec-  
 hoc sacrificio coniunguntur terrena cælestia, clesia.  
 bus, creatura Deo. Cū de hoc altari sumi-  
 mus creaturam, accipimus de sublimi Deum.  
 Cū hic corpus & sanguinem Christi sumi-  
 mus, de cælo Deum accipimus, in quo omni  
 benedictione cælesti & gratia replemur. Su-  
 mimus hic visibiliter corpus & sanguinem  
 Christi, suminus inuisibiliter de cælo, quod p-  
 lata sunt, benedictionem & gratiam Dei. Su-  
 mimus (inquam) gratiam & benedictionem, I. Cor. II.  
 siquidem dignè sumimus Christi corpus &  
 sanguinem. Nam qui indignè sumit, ore qui-  
 dem sumit, & dente terit corporaliter, sed ni-  
 hil proficit spiritualiter. Imo qui corpus &  
 sanguinem Christi sumit indignè, iudicium  
 sibi manducat & bibit. Ideoque rogemus, vt  
 quotquot ex hac altaris participatione sacro  
 sanctum filij tui corpus & sanguinem sump-  
 ferimus, inde quod perlata sunt, omni benedi-  
 ctione cælesti & gratia repleamur.

TEXTVS CANONIS,

Distinctio quarta.

H 2

Mc-

## CANON. EXPOS.

**M**emento etiam Domine famulorum famularumque tuarum, qui nos præcesserunt cum signo fidei, & dormiunt in somno pacis, ipsis Domine & omnibus in Christo quiescentibus locum refrigerij, lucis, & pacis, vt indulgeas deprecamur, per eundem Christum Dominum nostrum, Amen. Nobis quoque peccatoribus famulis tuis, de multitudine miserationum tuarum sperantibus partem aliquam & societatem donare digneris, cum tuis sanctis Apostolis & Martyribus, cum Ioanne, Stephano, Matthia, Barnaba, Ignatio, Alexandro, Marcellino, Petro, Felicitate, Perpetua, Agatha, Lucia, Agnete, Cæcilia, Anastasia, & omnibus sanctis tuis. Intra quorum nos consortium non æstimator meriti, sed veniæ quæsumus, largitor admitte, per Christum Dominum nostrum. Per quem hæc oïa dñe semper bona creas, sanctificas, viuificas, benedicis, & præstas nobis. Per ipsum & cum ipso, & in ipso, est tibi Deo patri omnipotenti, in vnitæte spiritus sancti, omnis honor & gloria, per omnia secula seculorum, Amen. Oremus. Præceptis salutaribus moniti, & diuina institutione formati, audemus dicere. Pater noster qui es in cælis. Sanctificetur nomen tuum. Adueniat regnum tuum.

Matt. 6:

Fiat

Fiat voluntas tua, sicut in cælo & in terra. Panem nostrum quotidianum da nobis hodie. Et dimitte nobis debita nostra, sicut & nos dimittimus debitoribus nostris. Et ne nos inducas in tentationem, sed libera nos à malo. Amen. Libera nos quæsumus Domine ab omnibus malis, præteritis, præsentibus, & futuris, & intercedente beata & gloriosa semper virgine Dei genitrice Maria, & beatis Apostolis tuis, Petro & Paulo, atque Andrea, cum omnibus sanctis, da propicius pacem in diebus nostris, ut ope misericordie tue ad iuti, & à peccato simus semper liberi, & ab omni perturbatione securi. Per eundem dominum nostrum Iesum Christum filium tuum, qui tecum vivit & regnat Deus in unitate Spiritus sancti, per omnia sæcula sæculorum. Amen.

## EXPOSITIO DOMINI

Odonis.

**H**Ac tertia periodo quæ in confectioe corporis & sanguinis Christi sudavit, hucusque finita, sumit hinc exordium quarta. Quæ confecto corpore & sanguine Christi redit ad rogandum pro mortuis, fidenti.

H 3

or ex:



## CANON. EXPOS.

Quomodo  
plurali-  
ter dictū  
sit hæc  
omnia  
bona.

or exaudiri patrocínio sacrificij. (Memento etiam Domine) Hic solet fieri memoria amicorum & familiarium defunctorum. (Ipsis Domine & omnibus in Christo quiescētibus.) (Ipsis, id est, quorum memoriā fecimus, & postea reliquis omnibus indulge. (Nobis quoque peccatoribus famulis tuis.) Scilicet qui officium huius sacrificij celebramus præsentēs; vel secundum solitarios, qui in corpore Ecclesiæ per totum orbem terrarum fideliter tibi seruimus. Totum vero textum qui sequitur nescio verbis alijs facere pleniorē usque. (Per quem hæc omnia Domine semper bona creas) Per quem, dictum est relatiuē ad hoc quod dixerat, Per Christum Dominum nostrum. Sed mirum est quod dixit pluraliter hæc omnia bona, cū corpus & sanguis Christi non sit nisi vnum. Sed in vno Christi corpore, sunt multæ formæ, & cū vna sit substantia, sic in vno corpore: vt visibiliter appareat pluralitas, vbi est inuisibiliter substantiæ vnitas; & vnum sit indiuiduū in substantia, vbi multiplex est figura. Apponunt panes figura plures, & substantia fiunt vnum corpus Christi: manet pluralitas figurarum, cessat pluralitas substantiarum. Est vnum indiuiduum, apparent plura, Proinde modò si-

cut

cut est, modò sicut apparet, de corpore Dñi loquimur. sæpe dicimus, in distributione dominici corporis hostias multas expendimus, vel plurib<sup>9</sup> hostijs multos vno corpore Christi referim<sup>9</sup>, in vno versiculo mōstrātes, & eorum quæ apparent pluralitatē, & ipsius substantiæ inuisibilis vnitatem, cum hostias plures & vnum dicimus corpus. Sic & in loco dicimus: Hæc omnia bona, omnes scilicet hostias, quas in orbe toto immolat Ecclesia. Quæ quidem, si sensibiles intueris qualitates, infinite sunt numero: si substantiā, sāguis est vn<sup>9</sup>, & vna caro, quæ semper à Deo creantur, quia qui semel verbi sui corpus creauit de Virgine, quotidie de pane creat eius carnem, & de vino sanguinē. (Sāctificas.) Quotidie sanctificat oratione sacerdotis, & cooperatione Spiritus sācti. (Viuitificas.) Quotidie viuitificat corpori pri<sup>9</sup> inanimato dās vitā. Vnde & pri<sup>9</sup> dicebat<sup>r</sup> ratiōabilis hæc hostia (Benedicis) Quotidie benedicit, quomodo superius eā p̄cabama<sup>r</sup> in omnib. fieri benediētā, & quatuor species subiūxim<sup>9</sup> benediētōnis (Et p̄stas nobis) Quotidie p̄stat nobis corp<sup>9</sup> filij sui, q̄a q̄ est apud patrem in sublimi, quotidie præstat nobis in altari. Et quod apud eum donum est in cælo, apud homines datum est in ter-

## CANON. EXPOS.

ra. ( Per ipsum & cum ipso. ) Per quem pater de pane carnem creat, sanctificat, viuificat, benedicit & præstat: per eundem ipsum filium est Deo patri, cum spiritus sancto, omnis honor & gloria. Est honor & gloria patri per filium sicut scriptum est: Pater manifestauit nomen tuum hominibus, quos dedisti mihi. Et:

**Ioan. 16:** Pater clarifica filium tuum, vt & filius clarificet te. Habet enim honorem & gloriam pater cum filio, cum quo communem habet potentiam & diuinitatem. Nam cum quo habet omnia, cum ipso habet etiam honorem & gloriam. Habet etiam cum ipso honorem et gloriam pater, in quo est. Nam scriptum est: Pater in me est, & ego in Patre. Quia pater

**Ioan. 14:** est in me, ideo quicquid habet Pater, habet in filio. Non enim habere potest nisi in ipso in quo est. (Oremus. Præceptis salutaribus moniti.) Cohortatur orare, subdens causam, quia sumus inde salutari præcepto moniti.

Lege Euangelium, & inuenies præceptum. Cur hanc solam orationem præcedit adhortatio, cum plures in hoc Canone faciamus: & ad nullam hortati sumus? Quia illæ sunt inferiores & humana ratione compositæ: Hæc perfecta & à solo formata. Vnde et sequitur. (Et diuina institutione formati.) Sicut narrat E-

**Luc. 12:**

uange.

uangelium, Dominum rogabant Apostoli,  
 Doce nos orare: Et Dominus informauit eos  
 huius orationis institutione. (Audemus di-  
 cere.) Audacia videtur et præsumptio homi-  
 nes infirmos diuina proponere, nisi essemus  
 formati diuina institutione. Audemus obedi-  
 entia non audacia. Audētes audacia, rei sunt:  
 audentes obedientia, laudandi. Ausus obedi-  
 entia bonus: audacia superbia, mala. Et sicut  
 orandi causa subiuncta est, quia præceptum  
 est, ita audendi causa præcessit, quia inde su-  
 mus diuina institutione formati. Oremus er-  
 go, quia inde sumus præceptis salutāribus mo-  
 niti: et audemus dicere, quia sumus inde diui-  
 na institutione formati. Nam ideo oramus,  
 quia inde præceptum accepimus: et ideo au-  
 demus, quia nos pauidos ad hoc Deus anima-  
 uit. Dedit præceptum orandi ad salutem, de-  
 dit fiduciam audendi propter timorem (Pa-  
 ter noster qui es in cælis.) Dominicam orati-  
 onem non expono, quia multos Patres expo-  
 suisse reperio. Nec oportet hīc ponere, quod  
 in multis locis promptum est inuenire. (Li-  
 bera nos quæsumus Domine.) Facta confir-  
 matione dominicæ orationis dicendo Amen  
 totus textus qui sequitur pro venia peccato-  
 rum orat, et pro pace suo principio sumpto

## CANON. EXPOS.

de fine dominicæ orationis, qui orat contra peccata, dicendo: Sed libera nos à malo. Deinde sequens textus incipit pro peccatis dicendo: Libera nos quæsumus Domine ab omnibus malis. Deinde sequitur pro pace. Da propitius pacem in diebus nostris. Iterum pro peccatis: Ut à peccato simus semper liberi. Deinde pro pace: Et ab omni perturbatione securi. Iterum pro pace sequitur. Pax Domini sit semper vobiscum. Deinde pro peccatis iteratur: Agnus Dei qui tollis peccata mundi, misere re nobis. Iterum pro pace: Dona nobis pacem. Et sic finis & consummatio sacrificij fit de pace, ut maneamus in pace. Unde in consummatione sacrificij osculum sumimus: quo in sacrificio assensum & participationem ostendimus, & quod debemus in pace manere signamus.

Osculū  
in missa  
quid significet.

## CONCLUSIO.

**S**anctissimi Canonis textu studiosissimè Siquisito, obsecro te quicumque transcribis, ut distinctiones diligenter observans singulorum capitulorum principia grandiusculis literis prænotes, & periodos (in quibus totum quaternarius concludit opusculum) capitalibus literis illumines, apposis titulis, quibus & periodorum diuersitas prima frontem præ-



præclare effulgeat, & singulorum capitulorū  
principia primò visa se offerant, & immuta  
ta cōla & comminata confusis distinctionibus  
sententias non conturbent.

Finit Expositio D. Odonis.

PSALMVS DAVID CVM VENISSET

*ad eum Nathan propheta, postquam ingressus fuerat*

*ad Bethsabée: in qua solam misericordiam*

*Dei sibi proponit, propter quam orat.*

**M**iserere mei Deus secundum magnā mi  
sericordiam tuam,

Et secundum multitudinem miserationum  
tuarum dele iniquitatem meam.

Amplius laua me ab iniquitate mea: & à pec  
cato meo munda me.

Quoniā iniquitatē meam ego cognosco: &  
peccatum meum contra me est semper.

Tibi soli peccaui, & malū corā te feci: vt ius  
tificeris in sermonibus tuis, & vincas cū iudi  
caris.

Ecce enim in iniquitatibus conceptus sum:  
& in peccatis concepit me mater mea.

Ecce enim veritatem dilexisti: incerta & oc  
cultā sapientiæ tuæ manifestasti mihi.

Asperges me hyssopo, & mundabor: laua  
bis me, & super niuem dealbabor.

Audi-

Auditui meo dabis gaudium & lætitiā: &  
exultabunt ossa humiliata.

Auerte faciem tuam à peccatis meis: & omnes iniquitates meas dele.

Cor mundum crea in me Deus, et spiritum rectum innoua in visceribus meis.

Ne proijcias me à facie tua, et Spiritum sanctum tuum ne auferas à me.

Redde mihi lætitiā salutaris tui, et Spiritu principali confirma me.

Docebo iniquos vias tuas: et impij ad te cōuertentur.

Libera me de sanguinibus Deus, Deus salutis meæ: & exultabit lingua mea iustitiā tuam.


Domine labia mea aperies, et os meum annuntiabit laudem tuam.


Quoniam si voluisses sacrificium, dedissem utiq;: holocaustis non delectaberis.


Sacrificium Deo, spiritus contribulatus: cor contritum et humiliatum, Deus, non despicies.

Benignè fac Domine in bona voluntate tua Sion: et ædificentur muri Ierusalem.


Tunc acceptabis sacrificium iustitiæ, oblationes et holocausta: tunc imponent super altare tuum vitulos.














B 839 - B 841



B 839 -  
841